

張氏醫通 卷拾陸



張氏醫通卷十六

清

長洲石頭張

璐路玉父纂述

以柔安世

男

訥遜言

叅訂

日本大泉長菴前田安宅子仁

再訂

男 典子守

夫字有字母。方有方祖。自伊尹湯液。一脈相傳。與釋氏傳

燈無異。苟能推源於此。自然心手合轍。諒非時師所能測

識也。

桂枝湯

玉函

治風傷衛氣。脈浮緩發熱自汗。營衛不和。

桂枝 三錢

白芍 三錢

甘草

炙二錢

生薑 五片

大棗 四枚



右五味水煎温服。噉熱稀粥一盞以助藥力。覆煖取微汗。効。不汗少頃再服。

小建中湯 玉函 治風木乘脾。寒熱腹痛。

桂枝湯倍芍藥。加膠飴三錢。

黃耆建中湯 金匱 治虛勞感寒。發熱自汗。

桂枝湯加黃耆錢半。膠飴一合。千金多人參二錢。

桂枝湯和營表藥。倍芍藥加膠飴。便能建立中氣。以芍藥之酸。斂護營血。膠飴之甘。培養中土。更加黃耆以實衛氣。營衛藏府俱和。而受益多矣。千金於小建中方。加入當歸。名曰內補建中。其調和中外之力可知。

陽旦湯 千金 治冬温脈浮發熱。項強頭痛。

桂枝湯加黃芩錢半。



陰旦湯 千金

治冬溫內寒外熱。肢節疼痛。中挾寒食。

桂枝湯加黃芩錢半。乾薑五分。

陰霾四塞。非平日之氣。無以開啟陽和。桂枝湯原名陽旦。開啟陽邪之藥也。千金於中加入黃芩之苦寒性輕。以治冬溫在表之邪熱。仍以陽且稱之。若兼挾寒食。再加乾薑之辛溫散結。以治中土之停滯。遂因之曰陰且。與經絡之陰陽風馬牛不相涉也。

獨活湯

千金

治風懿奄忽不知人。咽中閉塞不能言。四肢

不收。手足躡曳。

桂枝湯桂枝易桂心。去大棗。加獨活栝蒌根生薑發其汗。不得汗去獨活栝蒌根生薑。加防已防風麻黃。瘖瘂

不語並皆治之。



當歸四逆湯 玉函

治陽邪入犯厥陰。四肢厥逆。上

桂枝湯去生薑。加當歸三錢。細辛通草各一錢。

邪犯厥陰之界。有入無出。雖有熱邪。勢必從陰。而為厥逆。故厥陰篇中。有厥深熱深之例。以振發傳經之變端。病邪至此。最為緊迫。醫者苟無成識於胸中。臨病將何措指南。陽先師乃毫不以厥逆為意。仍取太陽例中桂枝湯方。加入當歸。協濟芍藥。以護厥陰之營。細辛引領桂枝。以為厥陰嚮導。通草通利膀胱。以疏厥陰出路。與桂枝平分力量。為分解之捷徑。雖厥陰與太陽兩經接壤。邪既入陰。斷無復傳陽經之理。先輩六經例有不罷再傳之說。大可噴飯。而桂枝方中。獨去生薑者。恐辛辣性暴。不待氣味入陰。便從太陽開發。轉虛其衛。再有何力以振驅邪之任歟。由是

廣推大小青龍。大小柴胡。和解營衛兩岐。表裏交界之邪。必用薑棗為一定之法。若麻黃湯則專主寒傷營證。便與生薑無預。逮至三陰等治。從無一方泛用生薑者。生薑為手頭常用之物。尚爾若此之慎。况有不察厥深熱深之旨。一見四肢厥冷。漫投薑附四逆。於此能無戚戚乎。內補當歸建中湯千金。治產後血虛。虛羸不足。腹中刺痛。

少腹中急。或感寒發熱。

桂枝湯桂枝易肉桂。加當歸二錢。膠飴六錢。

崩傷內衄不止。加地黃六錢。阿膠二錢。產後一月服四五

劑。令人強壯。

桂枝龍骨牡蠣湯 玉函

治虛勞夢泄。惡寒發熱。

桂枝湯加龍骨 煨 牡蠣 熬 各錢半



桂枝大黃湯 玉函

治太陰中風誤下。引邪入內腹滿痛。

桂枝湯加大黃一錢。

桂枝湯表藥也。以其悞下。引邪入內。賊而腹滿痛。渾是表邪。

在內不解之故。故仍用桂枝湯。畧加大黃。因勢利導。病既

變。則藥亦不得不隨之而變也。

桂枝葛根湯 玉函

治太陽經柔痙。自汗脉浮。

桂枝湯加葛根二錢。

栝蒌桂枝湯 金匱

治痙太陽證備。身體強。几几然。脉沉遲。

桂枝湯加栝蒌根二錢。

桂枝加附子湯 玉函

治亡陽漏風。肢體屈伸不和。

桂枝湯加熟附子一錢。

桂枝加黃耆湯 金匱

治黃汗發熱脛冷。腰以上汗出。下無



少汗。

桂枝湯加黃耆二錢。

耆芍桂酒湯金匱治汗如檠汁。肢體腫。發熱汗出而渴。

桂枝湯去甘草薑棗加黃耆五錢。苦酒和水煎。

黃耆桂枝五物湯金匱治血痺。身體不仁。如風狀。

桂枝湯去甘草加黃耆等分。千金桂枝易桂心。加人

參名黃耆湯。

茯苓甘草湯玉函治風邪入犯膀胱氣分。小便不利。

桂枝湯去芍藥大棗加茯苓二錢。

苓桂朮甘湯玉函治心下有支飲。胸腹支滿目眩。

桂枝湯去芍藥薑棗加茯苓二錢。白朮一錢。

此僅用桂枝湯之半。以流動中外之支滿。兼四君子之半。



以運行在裏之痰氣也。

桂枝去芍藥加皂莢湯 金匱

治肺癰吐涎沫。初起有表邪。

者。

桂枝湯去芍藥加皂莢一枚。去皮核酥炙。

桂枝去芍藥加麻黃附子細辛湯 金匱

治氣分心下如盤。

桂枝湯去芍藥加麻黃附子各一錢。細辛半錢。

病在氣分。非麻桂不能分解。病氣盤錯。非辛附不能破結。

去芍藥者。惡其酸收也。

小青龍湯 玉函 治溢飲喘欬。自利發熱。當發其汗。

桂枝湯去薑棗。加麻黃三錢。半夏二錢。炮薑細辛五味

子各半錢。

小青龍加石膏湯 金匱

治喘欬上氣煩躁。心下有水氣。



小青龍湯加石膏雞子大一枚。碎

桂枝麻黃各半湯 玉函 治太陽證脈微惡寒。

桂枝湯加麻黃杏仁。

桂枝二越脾一湯 玉函 治營衛俱傷風多寒少而煩滿。

桂枝湯本方各二錢加麻黃二錢石膏三錢。

桂枝芍藥知母湯 金匱 治肢節痛脚腫如脫。

桂枝湯去大棗加麻黃二錢白朮半兩知母防風各四

錢熟附子二錢。

炙甘草湯 玉函 治傷寒脈結代心動悸及肺痿唾多心中

溫溫液液虛勞不足汗出而悶。

桂枝湯去芍藥倍甘草加入參二錢生地三錢麥門冬

二錢麻子仁一錢阿膠二錢。



混是清潤調補藥中。但用桂枝一味。以流動經脈之滯。麻仁一味。以滋潤腸胃之結。而脈虛結代。心虛動悸。一切虛勞不足。得以榮養。則脈虛自復。心悸自寧矣。

芍藥甘草湯

玉函

治管血受傷。熱不止。

桂枝湯去桂枝薑棗。

芍藥甘草附子湯

治發汗病不解。反惡寒。及瘡家發汗成

瘕。

桂枝湯去桂枝薑棗。加附子一錢。炮

黃芩湯

陸函一名黃芩芍藥湯

治伏氣發溫。太陽少陽合病自利。

桂枝湯去桂枝生薑。加黃芩三錢。

黃芩加半夏湯

玉函

治伏氣發溫。內挾痰飲痞滿欬逆。

桂枝湯去桂枝。加黃芩三錢。半夏二錢。



黃芩湯。本治春夏溫熱。熱自內發。故於桂枝湯中。除去桂枝生薑之辛溫。易以黃芩之苦燥。轉溫散為涼解。大匠運斤妙用。不可思議。後世借以治下利身熱。亦不出此。其黃芩加半夏湯。治自利而嘔。與夏秋下利白沫。若合符節。異病同治。總不出南陽之繩墨也。

麻黃湯 玉函 治寒傷營氣。脈浮發熱。無汗而喘骨節痛。上

麻黃 去節 三錢 桂枝 三錢 甘草 炙 一錢

杏仁 二十枚 泡 去皮尖碎

右四味水煎溫服。煖覆取微汗。不須啜粥。以寒邪入傷營

氣。營氣起於中焦。恐穀氣反助邪熱也。

麻黃加朮湯 金匱 治溼家身體煩疼。日晡發熱。

麻黃湯加白朮四錢。



溼家身疼、煩熱、渾是軀殼受傷。卽用麻黃湯開發肌表，不
得白朮健運脾氣，則溼熱雖從汗泄，而水穀之氣依然復
爲痰溼。流薄中外矣。然朮必生用。若經炒焙，但有健脾之
能，而無祛溼之力矣。

古今錄驗橘皮湯 金匱

治寒邪傷肺，欬嗽吐血。

麻黃湯換肉桂，加橘皮當歸紫苑黃芩。

麻杏甘石湯 玉函

治發汗後，汗出而喘，無大熱者。

麻黃湯去桂枝，加石膏半兩。

此麻黃湯去桂，而兼越脾之意。喘祛上焦溼熱痰氣，與苓
桂朮甘湯互發。彼藉苓朮專祛心下之支飲。此藉石膏專
祛膈上之溼熱也。

麻黃杏仁薏苡甘草湯 玉函

治風溼一身盡痛發熱，日晡



所劇者。

麻黃湯去桂枝。加薏苡半兩。

杏子湯 治風水虛脹脈浮。發其汗即已。

麻黃湯去桂枝。又易簡杏子湯用小青龍加人參杏子仁。

甘草麻黃湯 金匱 亦治裏水。

麻黃湯去桂枝杏仁。方用甘草二錢。麻黃四錢。

葛根湯 玉函 治太陽陽明合病自利。或發熱無汗。喘滿不食。

麻黃湯去杏仁。增桂枝一錢。加葛根四錢。芍藥二錢。生薑三片。大棗三枚。

此即麻黃桂枝二湯合用。於中但去杏仁。增葛根。為陽明經證之專藥。以其能輔麻黃。大開肌肉也。去杏仁者。既開



肌肉於外。不當復泄肺氣於內也。聖人立法。一方一味。各

有斟酌。非刻意研求。焉能測識其微。而為倉生司命哉。

三拗湯 局方

治風寒傷肺而欬。悞行斂肺。而壅嗽喘急。

麻黃湯去桂枝。用麻黃

不去節甘草

杏仁

連皮等分更

加桔梗荆芥。名加味三拗湯。

麻黃附子細辛湯 玉函

治少陰病。脉沉發熱。及水腫喘欬。

麻黃湯去桂枝杏仁甘草。加附子一錢。細辛半錢。

附子散 千金

治中風手臂不仁。口面喎僻。

麻黃附子細辛湯。加乾薑桂心人參防風芎藭羚羊角。

為散水煎。加竹瀝。日服一劑。効。

倉公當歸湯

治賊風口噤。角弓反張成瘓。

麻黃附子細辛湯。加當歸防風獨活。水酒和煎。口不開。



者。格口內湯一服當蘇。二服小汗。三服大汗。

麻黃附子甘草湯

玉函金匱名
麻黃附子湯

治少陰病脉沉發熱。二三日無裏證。及水腫脈沉。

日無裏證。及水腫脈沉。

麻黃湯去桂枝杏仁加附子一錢。

千金大棗湯 治歷節疼痛。

麻黃附子甘草湯加黃耆薑棗日三服汗之。

發表重劑。莫如麻黃。溫經峻藥。首推附子。表裏補瀉。功用

天淵。仲景於少陰病脈沉發熱。二味合用。單刀直破。堅壘。

而建補天浴日之功。在一二日間。勢難叵測。則用細辛以

助其銳。二三日無裏證。則用甘草以緩其治。各有權度。金

匱於水腫治例。亦用二湯。喘嗽則兼細辛。以開肺氣之壅。

脉沉則兼甘草。以緩腎氣之逆。與初起防變。二三日無裏



證互發。而倉公乃於麻附細辛方中。加當歸防獨。以療賊風口噤發瘕。千金復以麻附甘草湯內。加黃耆薑棗。以治歷節疼痛。總賴麻黃附子。輒外輒內。迅掃其邪。杲日當陽。何有陰霾之患乎。

麻黃升麻湯

玉函

治冬溫誤行汗下。下部脈不至。咽喉不利。唾膿血。

利唾膿血。

麻黃湯去杏仁。用麻黃二錢。桂枝甘草各八分。加升麻當歸各一錢。知母黃芩萎蕤各二錢。天門冬芍藥乾薑白朮茯苓石膏各八分。

此方專主陽熱陷於厥陰。經脈為邪氣所遏。故下部脈不至。而證見咽喉不利。唾膿血也。邪遏經脈。非兼麻黃桂枝之制。不能開發肌表。以泄外熱。非取白虎越脾之法。不能



清潤肺胃以化裏熱。更以芍藥甘草參黃苓湯。寒因寒用。謂之應敵。甘草乾薑合腎著湯。熱因熱用。謂之嚮導。以病氣厖雜。不得以逆順兼治也。

華蓋散

局方

治肺受風寒。欬嗽聲重。煩滿昏眩。脈浮數。

麻黃湯去桂枝。方用麻黃杏仁各一錢。甘草五分。加蘇子赤茯苓橘紅桑根皮各一錢。生薑二片。紅棗一枚。

九寶湯。治經年久嗽不愈。脈浮起於外感者。

麻黃湯加紫蘇薄荷橘紅桑白皮大腹皮等分。生薑三片。烏梅肉半箇。

麻黃連軛赤小豆湯

玉函

治濕熱發黃。

麻黃湯去桂枝減麻黃一錢。加連軛即連二錢。赤小豆

一合。生梓白皮一兩。生薑三片。大棗四枚。水煎分溫三



服。半日服盡。

越脾湯 金匱

治風水惡寒。一身悉腫脈浮不渴。續自汗出。

無大熱者。

麻黃湯去桂枝杏仁。倍麻黃。加石膏八錢。生薑三片。大棗五枚。水煎溫分三服。

越脾者。發越溼土之邪氣也。水溼之氣。因風流播中外。兩相激搏。勢難分解。不得不藉麻黃祛之。從表而越。石膏清之。從裏而化。內經開鬼門法也。本方加朮以助腠理。開汗大泄。於加朮方中更加附子。以治脚痺惡風。關中寓闔。信手合轍。其大青龍小續命麻杏甘石湯。或加桂枝以和營。或加參朮以鼓氣。或加杏仁以泄滿。總以此方為樞局也。或問表無大熱。何得輕用麻黃。內無煩渴。何得輕用石膏。

蓋惡寒身腫自汗。渾是溼氣鬱著。非風以播之。不能解散。麻黃在寒傷營劑中。則為正治。在開痺溼門中。則為導引。石膏在白虎湯中。則為正治。在越脾青龍續命方中。則為導引。不可以此礙彼也。

越脾加木湯金匱 治內極熱。則身體津脫。腠理開。汗大泄。

厲風氣。下焦脚弱。

越脾湯加白朮四錢。

越脾加木附湯金匱 治脚痺惡風。

越脾湯加白朮四錢。附子一錢。

越脾加半夏湯金匱 治肺脹欬而上氣。

越脾湯加半夏半兩。

大青龍湯玉函 治營衛俱傷。脉浮緊。汗不得出而煩躁。



越脾加杏仁十四枚。去皮桂枝二錢。

文蛤湯金匱治吐後渴飲不止。脉緊頭痛。

越脾湯麻黃減半。加文蛤半兩。杏仁十五枚。

續命湯金匱各古今錄驗續命湯治中風痲。身體不能自收。并治但伏

不得臥。欬逆上氣。面目浮腫。

麻黃 桂枝千金局方俱作桂心 當歸

人參 石膏 乾薑

甘草灸各三錢 芎藭一錢 杏仁三十枚干金作白木

右九味水煎溫服。當薄覆脊。憑几坐。汗出則愈。不汗更服。

無所禁。勿當風。○千金續命湯無人參。有防風黃芩芍藥。

○續命風引湯。多防已防風獨活附子。治中風癱。眩不知

人。狂言舌腫出。○千金依源續命湯。多白朮茯苓大棗為



十二味。

小續命湯 千金

治中風外顯六經形證。

續命湯去石膏。加芍藥。防風。黃芩。各一錢四分。防已。

錢。熟附子七分。生薑五片。大棗一枚。崔氏外臺不用防已。大棗。

無汗惡寒。倍麻黃杏仁。有汗惡風。倍桂枝芍藥。無汗身熱。

不惡寒。去附子。倍甘草。加石膏。知母。有汗身熱。不惡風。倍

桂枝黃芩。加葛根。無汗身涼。脈沉細。倍附子。加乾薑。有汗

無熱畏寒。脈沉。倍桂枝附子甘草。肢節攣痛。麻木不仁。脈

緩。加羌活連翹。右易老加減法。

張景岳曰。按歷代相傳治中風之方。皆以續命等湯為主。

考其所自。則始於金匱要畧。附方中有古今錄驗續命湯。

然此必宋時校正之所增。而非仲景本方也。此自隋唐以



來。則孫氏千金方。乃有小續命大續命西州續命排風等湯。故後世宗之。無不以此為中風主治矣。夫續命湯以麻黃為君。而與薑桂並用。本發散外邪之方。至小續命大續命西州續命等湯。則復加黃芩以兼桂附。雖曰相制。而水火冰炭。道本不同。即有神妙。終非余之心服者。其他無論獨怪乎河間東垣丹溪三子者。既於中風門。皆言此病非風矣。何於本門並首列小續命湯。而附以加減之法。又何前後之言不相應耶。

大續命湯

千金

治中風肥盛多痰多渴肢體不遂。

續命湯去人參。

加黃芩荆瀝。

一作瀝

西州續命湯

千金

治中風痲身體不能自收口不能言胃

味不識人拘急不能轉側。

大續命湯去荆瀝。

八風續命湯 千金

治卒中半身不遂。手足拘急。

續命湯去麻黃芎藭。加獨活黃芩。水煎溫服。覆汗。不得

汗。倍麻黃。

排風湯 千金

治中風肢體煩疼。皮膚不仁。

續命湯去人參石膏乾薑。加防風芍藥白朮茯苓獨活

白蘚皮生薑。

升麻湯

一名升麻葛根湯

治陽明經邪發熱。及痘疹初起。

升麻 一錢

葛根

白芍 各錢半

甘草 灸八分

右四味水煎溫服。

升葛為陽明經之嚮導。陽明專主肌肉。恐開泄太過。即以



白芍斂護營血。甘草調和中氣。所以解利本經邪熱。及時行痘疹。皆為專藥。然在起脹後禁用。

秦芫升麻湯 治中風口日喎斜。

升麻湯加秦芫人參桂枝白芷防風葱白。

升陽散火湯 治胃虛過食寒物。抑遏陽氣於脾土中。畏寒

發熱。火鬱則發之也。

升麻湯加羌活獨活人參柴胡防風。用生甘草。

火鬱湯 治火鬱不舒。凜凜惡寒不止。

升麻湯用生甘草加柴胡防風葱白。

按此即升陽散火湯去羌活獨活人參加葱白。內經所謂

惡寒非寒。火鬱則發之也。

冲和順氣湯 治內傷脾氣。惡寒發熱。食少便澹。



升麻湯加人參羌活防風蒼朮白朮薑棗。

升陽補氣湯。治胃氣不足。脾氣下溜。氣短無力。不時發熱。

早飯後煩悶。須要眠睡。五心煩熱。

升麻湯去葛根。加羌活獨活防風柴胡厚朴澤瀉薑棗。

和解湯。治痘三日前後起發遲。

升麻湯加人參川芎羌活防風。

連翹升麻湯。治痘發太多。涼內解毒。

升麻湯加連翹桔梗牛旁木通薄荷燈心竹葉。

小柴胡湯。

玉函千金名黃龍湯

治少陽受邪。往來寒熱。脈弦脇痛而

嘔。

柴胡 三錢

黃芩

人參

甘草 炙各一錢

半夏 二錢

生薑 五片



大棗 四枚

水煎去滓溫服。

治傷寒有五法。曰汗曰吐曰下曰溫曰和。皆一定之法。而少陽例中小柴和湯。專一和解表裏。少陽爲陰陽交界。邪傳至此。已漸向裏。故用柴胡升發其邪。使從外解。卽以人參擋截於中。不令內犯。更以半夏黃芩清解在裏之熱痰。生薑大棗併祛在表之邪氣。又須甘草協輔參柴。共裏匡正辟邪之功。真不易之法。無容擬議者也。其方後加減。乃法中之法定而不移。至於邪氣犯本。膽府受病。而加龍骨牡蠣丸藥誤下。而加芒硝。屢下不解。引邪入裏。心下惡鬱鬱微煩。而用大柴胡爲法外之法。變通無定。不可思議者也。獨怪世醫用小柴胡一槩除去人參。且必加枳桔耗氣。

之品。此非法之法。習俗相承。匿於橫議者也。何恠乎道藝日卑。風斯日下哉。

柴胡加龍骨牡蠣湯 玉函

治少陽經邪。誤下犯本。胸滿噎噎。

煩。

小柴胡湯去黃芩甘草。加桂枝茯苓龍骨牡蠣鉛丹大

黃。

柴胡加芒硝湯 玉函 治少陽過經不解。

小柴胡湯加芒硝三錢。

大柴胡湯 玉函 治寒熱便秘。

小柴胡湯去人參甘草。加芍藥枳實各一錢。大黃二錢。

四逆散 玉函 治熱邪傳入少陰厥逆。

小柴胡湯去人參半夏黃芩薑棗。加枳實芍藥。等分爲。



散飲服方寸七日三服。

凡病各有真假。真者易見。假者難辨。差之毫釐。迥乎冰炭。試以傷寒之厥逆辨之。其始病便見者爲直中寒厥。五六日熱除而見者爲傳經熱厥。寒厥真而熱厥假也。熱厥之治。惟四逆散得之。細推其邪。從陽入陰。必由少陽而達。亦無不由太陰。竟入少陰之理。故首推柴胡爲來路之引經。亦藉以爲去路之嚮導。用枳實者。掃除中道。以修整正氣。復回之路也。夫陰爲陽擾。陽被陰埋。舍和別無良法。故又需芍藥以和其營。甘草以和其胃。胃氣和而真陽敷布。假證愈而厥逆自除。但方後加減紛厯。寒熱互用。非隨證而推逆順之機。難以語此。如悸加桂枝。小便不利加茯苓。泄利下重加_中壅白。皆陰爲陽擾。隨其攸利而開泄之。欬利加

五味乾薑。腹痛加附子。是陽被陰埋。急須煥發以克復之。與厥陰例中。當歸四逆加吳茱萸同法。須知真證正治。假證間取。總不出此方之模範也。至若一經熱邪亢極而厥。自有大承氣下奪之法。又非四逆散當歸四逆之和法可例治也。

柴胡去半夏加栝蒌湯 金匱

治瘧多渴。

小柴胡湯去半夏加栝蒌根。

柴胡桂枝乾薑湯

玉函金匱各柴胡桂枝湯

治瘧寒多微有熱。

小柴胡湯去人參半夏薑棗加桂枝乾薑栝蒌根牡蠣。

熬

柴胡桂枝湯

玉函

治太陽少陽併病合病寒熱及瘧。

小柴胡湯加桂枝芍藥。即小柴胡湯合桂枝湯

柴胡四物湯 治婦人經行感冒。熱入血室。

小柴胡湯合四物湯。

柴胡枳桔湯

一名枳桔柴胡湯

治少陽寒熱痞滿。

小柴胡湯加枳殼桔梗。

增損柴胡湯

治少陽血虛寒熱不止。

小柴胡湯去黃芩。加川芎芍藥陳皮。

柴胡清肝散

治怒火憎寒發熱。肝膽風熱瘡瘍。

小柴胡湯去半夏薑棗。加山梔川芎連翹桔梗。

人參敗毒散

局方

治時疫初起發熱。及感冒發散後熱不

正。

小柴胡湯去半夏黃芩大棗。加茯苓羌活獨活前胡川

芎枳殼桔梗。



問時疫初起。用人參敗毒。得毋助邪為虐之患乎。又何以治非時寒疫。汗後熱不止。詳此二者。一為全盛之毒。一為未盡之邪。胡一方可混治耶。蓋時疫之發。或值歲氣併臨。或當水一疎豁。種種不侔。然必入傷中土。土主百骸。無分經絡。毒氣流行。隨虛輒陷。最難叵測。亟乘邪氣未陷時。儘力峻攻。庶克有濟。其立方之妙。全在人參一味。力致開闔。始則鼓舞羌獨柴前。各走其經。而與熱毒分解之門。繼而調禦津精血氣。各守其鄉。以斷邪氣復入之路。與桂枝湯中芍藥護營之意不殊。如桂枝人參湯。小柴胡湯。參蘇飲。未嘗不用人參以協濟表藥成功也。但其所主。惟天行大頭。乃為合轍。加荆防牛旁薄荷。各荆防敗毒。為捻頸瘟。咽喉腫痛之專藥。卽上一二證。在熱毒既陷已後。及北方黑骨

溫等總與此方無預也。至若傷寒傳變之邪，伏氣鬱發之證，涇渭攸分，略無交涉。而先哲嘗借以治寒疫，汗後餘熱，往往獲効者，以非時之邪，混廁經中，屢行疎表不應，邪伏幽隱不出，非藉人參之大力，不能載之外泄也。逮至疫癘昏熱日噤，亦宜此方加陳倉米，引領入胃，則毒隨藥化，得非人參輔佐之力歟。獨怪近世醫流，偏謂人參助長邪氣，除去不用，專行羣隊攻發，鼓激壯火飛騰，不至竭絕真陰不已。茲緣同學質問，因祖述以政。

荆防敗毒散 治大頭蛾墓瘟證。

人參敗毒散加荆芥防風薄荷牛蒡子。

倉廩湯 治疫癘發熱。

人參敗毒散加陳倉米一撮。

清脾飲 治食滯脉實。瀉赤便秘。

小柴胡湯去人参。加白朮青皮厚朴草果。

按清脾飲。清理脾家痰氣宿滯。及蘊積少陽經中風熱之

邪。乃於小柴胡中除去人参。益入青皮白朮厚朴草果。

派剋割之味。在藜藿之人。固為相宜。若膏粱參養柔脆者。

即有留滯。亦難勝此。用者審之。

星香湯 治中風痰涎潮塞。不省人事。服熱不得者。

南星 三錢

木香 半錢

生薑 十片

水煎服無時。

省風湯 局方 治卒中口噤不能言。口眼喎斜。筋脈抽掣。風

痰壅盛。

星香湯去木香。用陳膽星一錢五分。加防風一錢。生半



夏黃芩生甘草各七分半。

大省風湯局方

治卒中痰逆嘔泄脈沉厥冷。

星香湯去木香用陳膽星二錢加防風獨活生附子各

一錢全蠍生甘草各五分。

按此即省風湯去半夏黃芩加獨活附子全蠍二湯雖分

寒熱主治並用生薑十片以開發風痰不可減也。

三生飲局方治中風卒倒口眼喎斜半身不遂寒閉不省

人事痰氣上壅。

星香湯本方用生南星一兩木香三錢半加生川烏生

附子各五錢搗羅為散每服五錢同生薑十片煎服氣

虛卒倒另加人參兩許駕馭之。

三生飲中風門中破的之方雖木星香而實得大省風之



妙用。與續命湯相為犄角。奪門革鼎。各有專功。貴在先聲。

奪氣。無容庸師擬議。

木附湯。治寒濕體痛。自汗身寒。

白木 一兩 附子 半兩

右二味。水煎去滓。放涼分三服。

參附湯。治脾腎陽虛。厥逆自汗。

木附湯去木。加人參一兩。

耆附湯。治元陽衰弱。虛風自汗。

木附湯去木。加黃耆一兩。蜜酒炒

三因治自汗。用耆附。木附。參附三方。皆用附子五錢。餘俱

一兩。分三服服之。其衛外之陽不固。則用耆附。脾中之陽

不固。則用木附。腎藏之陽不固。則用參附。凡屬陽虛自汗。



不能舍此三方。而耆附可以治虛風。朮附可以治寒溼。參附可以壯元神。三方亦相因為用。祇用二物。不雜他味。取力銳以擅專功也。其外麻附桂附薑附椒附星附及大黃附子等法。度森森分治九咳。各日轉日回天之妙用。豈尋常可擬議乎。

桂枝附子湯 玉函 治風溼身重惡寒不能轉側。

朮附湯 去朮。本方用附子一枚。桂枝一兩二錢。甘草

六錢。生薑一兩。大棗十二枚。方混二味。

白朮附子湯 玉函即近 治風溼骨節煩疼。身不

得屈伸。近之則痛。汗出不乾。去衣

或身微腫。

朮附湯本方用朮三錢。甘草六錢。生薑

一兩。大棗十二枚。分溫三服。

甘草附子湯 玉函

治風溼大便堅小便自利。

朮附湯本方用朮附各六錢。加桂枝一兩二錢。甘草六

錢。分溫三服。

桂枝附子。白朮附子。甘草附子。三方皆本朮附湯方而立。

一加桂枝甘草薑棗以治身重煩疼不能轉側其病全在

軀殼無關於裏故於本方除去白朮使桂附專行軀殼而

振驅風逐溼之功用甘草以緩桂附之性不使其汗大泄

汗大泄則風去而溼不去也風在疾祛溼在緩攻故用生

薑之辛以散之。大棗之甘以緩之。則營衛之開闔有權。風

溼無復入之虞矣。一加甘草薑棗以治骨節煩疼掣痛

等證。渾是溼流關節之患故於本方但加甘草以緩朮附



之性。薑棗以司開闔之機。風之見證本輕。故無藉於桂枝也。一加桂枝甘草。以治風溼大便堅。小便自利。以病氣駸駸內犯。故於本方加桂枝助附子。以杜內賊之風溼。加甘草助白朮。以和二便之偏滲。故大便雖堅。法無下奪之理。

附子湯 玉函

治少陰病始得之。背惡寒。脈沉身體骨節痛。

朮附湯加茯苓白芍各一兩。人參六錢。

真武湯

玉函千金名玄武湯

治少陰下利腹痛。或欬嘔。小便不利。

朮附湯本方白朮六錢。附子一枚。

炮加茯苓芍藥生薑

各一兩。欬者加五味子細辛乾薑。小便利者去茯苓。

下利去芍藥加乾薑。嘔者去附子加生薑。

詳附子湯與真武湯二方。止差一味。一治少陰病始得之。

便背惡寒。口中和。知其人真陽素虧。故用人參以助附子之雄。茯苓以行白朮之滯。又恐生附性悍。傷犯真陰。故用芍藥以護持營血。營血得安。而真陰受蔭矣。○一以少陰病二三日不已。至四五日腹痛自利。四肢沉重。或欬或嘔。其人內外皆是水氣。故用生薑佐茯苓朮附以利水爲務。水去則真陽自復。當知此證皆由水氣鬱遏其陽。陽氣原不大虛。所以方中朮附僅用附子湯之半。又恐辛燥有傷其陰。因以芍藥保其營血。與附子湯之立法不殊。卽過汗傷經。振振欲擗地者。亦不出是方也。

附子散

治陰瘕

朮附湯本方二味各用一兩。加桂心川芎獨活各半兩。爲散。每服三四錢。薑棗湯煎服。

四逆湯 玉函

治陰寒脈沉四肢厥冷嘔吐泄瀉

附子 生用 一枚

乾薑 五錢

甘草 六錢

右三味水煎分温再服。強人可服大附子一枚。乾薑一兩。

四逆加人參湯 玉函

治惡寒脈微而利

四逆湯加人參三錢至一兩

茯苓四逆湯 玉函

治發汗若下之病仍不解煩躁

四逆湯加人參二錢至一兩。茯苓六錢

通脈四逆湯 玉函

治少陰病下利清穀裏寒外熱

四逆湯倍用乾薑

通脈四逆加豬膽汁湯 玉函

治吐已下斷四肢拘急不解

脈微欲絕者

四逆湯倍乾薑加豬膽汁



白通湯 玉函

治少陰病下利脈微。

四逆湯去甘草。本方薑附各三錢。加葱白四莖。

白通加豬膽汁湯 玉函

治少陰病下利。厥逆無脈。乾嘔而

煩。

四逆湯去甘草。本方薑附各用三錢。加葱白四莖。人尿

五合。豬膽汁一合。

乾薑附子湯 玉函一名薑附湯

治少陰病晝日煩躁。

四逆湯去甘草。

四逆湯用薑附之辛熱。恢復其陽。即用甘草以緩其性。使之徐行以達四末。專為始病便見厥逆。脈沉不發熱者而設。即太陰自利腹痛。厥陰下利拘急。總不出此。以厥陰之邪無不由少陰而入也。非但三陰俱可取用。并太陽之頭



痛發熱脉沉亦須用此先救其裏然後解表方爲合輒而少陰病晝日煩躁用乾薑附子湯卽四逆湯中除去甘草專用二味以迅掃陰霾與白通立法無異以意逆之四逆一方太陽尚所攸賴白通二例與厥陰獨無干預耶雖厥陰經中但有通脈而無白通詳二方止互更一味通脈有甘草而無葱白白通有葱白而無甘草一取甘緩以徐復欲絕之脈一去甘草以急追將脫之陽皆用豬膽以除假熱白通專用葱白以通真陽又恐葱白性升引領薑附上僭故以人尿折而下之其通脈本方雖無葱白方後便有面赤加葱之例葱白既可加用人尿獨不可加用手况陰內藏風木得無面赤戴陽可用葱白之治乎上法皆流之挽無問直中沉寒傳經壞病病氣至此轉逆元氣

此逮盡。非始病便見脈沉發熱之比。縱兩感勢劇。尚有庶
黃附子細辛湯。儘力可救。與前太陽例中先後救裏解表
之法。互相揮發。辨治之微。惟在頭之痛與不痛為確據也。
精義至此。盡情剖露。後世畧不加察。妄立兩感之方。總未
達長沙萬一耳。

回陽返本湯 治陽虛躁渴。面赤戴陽。欲坐卧泥水中。脈來

無力欲絕者。

四逆湯加人參麥門冬五味子臘茶陳皮。

面赤者。下虛也。加葱七莖。黃連少許。用泥漿水澄清煎服。

入白蜜五匙。冷服取汗。

此以白通合生脈。治陰極似陽。最為神妙。加用臘茶漿水
等味當矣。但陳皮一味似屬不必。當知人參既合薑附。其



勢欬張奚藉陳皮發揚之力哉。

羌活附子散

治胃冷呃逆。

四逆湯去甘草。本方用附子半兩。乾薑二錢。加羌活。香各半兩。木香一錢為散。每服二錢。入鹽一字。水煎微溫服。

木香散 治虛寒滑泄不止。

四逆湯本方用甘草乾薑各二兩。附子一兩。加丁香木香。肉豆蔻。廣藿香。訶子。肉赤石脂各一兩為散。每服三

錢。陳米湯下。世本無炮薑多當歸

冷香飲子

治中暑內挾生冷飲食。腹痛瀉利。

四逆湯去乾薑。本方甘草附子各一錢。加草果仁。橘紅各一錢。生薑五片。浸冷服之。



漿水散 治中暑泄瀉。多汗脈弱。

四逆湯本方三味各用五錢。加肉桂五錢。良薑半夏各

二錢五分。二味俱醋炒漿水煎去滓冷服。

按漿水乃秫米和麴釀成。如醋而淡。今人點牛乳作餅用

之。或用真粉作內。菘豆者尤佳。

茵陳四逆湯 治陰黃脈沉細。肢體逆冷。腰以上自汗。

四逆湯本方用炮薑一錢五分。附子甘草各一錢。加茵

陳蒿一錢五分。

茵陳附子乾薑湯 治陰黃脈沉細。

四逆湯去甘草。用熟附三錢。炮薑二錢。加白朮二錢。豆

豉枳實半夏茯苓澤瀉橘紅各八分。茵陳蒿一錢。生薑

五片。



理中湯丸 玉函金匱
名人參湯

治胸痺心胸痞氣霍亂吐瀉不渴一

切脾胃虛寒嘔吐清水飲食不入完穀不化

乾薑 炮半錢
至一錢

人參 一錢至
三錢

白朮 炒焦一錢
至二錢

甘草 炙半錢
至一錢

右四味水煎去滓溫服。○腸胃虛脫完穀不化者煉白蜜

丸彈子大沸湯研和滓日三夜二服名理中丸

附子理中湯 治下焦虛寒火不生土泄瀉嘔逆

理中湯加熟附子

按方中用參三錢僅可用附一錢若峻用溫補用參一兩

方可加附三錢如尋常小劑用參一錢止可用附三分設

不審此而附過於參下咽之後壯火食氣反招竭澤之殃

製劑不可不講



桂枝人參湯 玉函 治挾熱利不止。心下痞鞭。

理中湯加桂枝。

枳實理中湯 治胃虛挾食。及結胸本虛。不能受攻者。

理中湯加枳實茯苓。千金加半夏厚朴附子。治胸中

悶。亦可用陳米飲或蒸餅丸服。

治中湯 治冷食結滯。

理中湯加青皮陳皮。

連理湯 治胃虛挾食。痞滿發熱。

理中湯加黃連茯苓。

理苓湯 治胃虛食滯。喘脹浮腫。小便不利。

理中湯合五苓散。

乾薑人參半夏丸 金匱

治妊娠胃寒。嘔吐不止。



理中湯去白朮甘草。本方乾薑人參各一兩。加半夏二兩。薑汁糊丸。梧子大。飲服十九。日三服。

甘草乾薑湯 玉函

治胃中陽虛。咽乾煩躁吐逆。

理中湯去人參白朮。

三物大建中湯 金匱

治胸中大寒。嘔吐不能食。及少腹冷。

積作痛。

理中湯去白朮甘草。本方乾薑用四錢。人參用三錢。加

蜀椒半合。

去閉口者。炒去汗。

水煎去滓。內膠飴半杯。微火再煎。

溫服。如炊頃。少飲稀粥一升。後更服。當一日食糜。溫覆

之。

甘薑苓朮湯

金匱一作腎著湯

治腰以下重著而痛。

理中湯去人參。加茯苓。



腎者者腎受溼著而重痛故以燥溼為務非腎虛腰痛可

渾用也。

滲溼湯

局方

治溼滯經絡腰下重著而痛

理中湯去人參加蒼朮茯苓橘紅丁香薑棗

大順散

局方

治暑熱引飲過多霍亂吐瀉

理中湯去人參白朮本方甘草乾薑各半兩加肉桂杏

仁去尖各三錢先將甘草同白砂炒次入乾薑却下杏

仁炒過篩去砂合桂為散每服三錢沸湯調服

烏梅丸

玉函

治虵厥

理中湯去白朮甘草加烏梅黃連黃檗附子蜀椒桂枝

細辛當歸以苦酒漬烏梅一宿蒸之五升米下飯熟去

核搗成泥與蜜杵丸先食飲服十九日三服稍加至



十丸。禁生冷滑物臭食等。千金治久痢諸藥不瘥。本

方去細辛附子人參黃蘗桂枝換桂心。代米不煨。燒

半夏瀉心湯

玉函本

治心下痞滿不痛。

半夏五錢

乾薑炮

甘草炙

人參

黃芩各三錢

黃連一錢

大棗四枚

右七味水煎溫分三服。

生薑瀉心湯 玉函

治心下痞硬下利腹鳴。

半夏瀉心湯減乾薑二錢加生薑四錢。

甘草瀉心湯 玉函

治胃虛痞滿誤下利不止。

半夏瀉心湯去人參加用甘草一錢。

黃連湯 玉函

治胃中寒熱不和心下痞滿。



半夏瀉心湯去黃芩減人參一錢加桂枝三錢

乾薑黃芩黃連人參湯 玉函

治胃虛客熱痞滿

半夏瀉心湯去半夏甘草大棗加川黃連二錢

七氣湯

局方

治七情鬱結於中心腹絞痛服寬膈破氣藥

轉劇者投此即効

人參 錢半至三錢

甘草 灸一錢

肉桂 一錢至三錢

半夏 錢半至一錢

生薑 七片

右五味水煎空心服。千金加吳茱萸各奔氣湯

深師七氣湯 治七氣為患氣寒血熱嘔瀉痞滿

七氣湯加乾薑吳茱萸枳實橘皮桔梗芍藥乾地黃黃

芩

三因七氣湯 治七氣致病嘔逆痞悶腹脇脹痛



七氣湯加厚朴白芍茯苓橘皮蘇葉大棗

指迷七氣湯

治七情相干陰陽不得升降氣道壅滯攻衝

作痛

七氣湯去人參易觀桂加香附青皮陳皮桔梗蓬朮藿

香益智仁大棗

大七氣湯 治積滯癥瘕結聚隨氣上下心腹疔痛小腹脹

滿二便不利

指迷七氣湯去半夏薑棗加山稜

橘皮乾薑湯 治乾嘔吐逆吐涎沫而噦

七氣湯去半夏加乾薑橘皮通草

蘇子降氣湯 局方千金本 治胸弱上氣凡痰涎壅盛肺滿

喘嗽服之氣降即安



七氣湯去人参加蘇子三錢橘紅一錢當歸前胡厚朴各五分大棗一枚

温肺湯 治肺胃虛寒喘嗽嘔逆大便不實

七氣湯加橘紅乾薑木香鍾乳。局方去人参木香鍾乳加細辛杏仁芍藥五味子

半夏温肺湯 治寒痰欬嗽心下汪洋胃氣虛寒者

七氣湯加橘紅赤茯苓細辛桔梗旋復花白芍

參蘇温肺湯 治肺受寒而喘嗽

七氣湯加橘紅木香桑白皮紫蘇茯苓白朮五味子冬

六月更加不去節麻黃三分

崔氏八味丸 金匱 治腎藏真陽不足火不歸源

熟地黄 八兩 山茱萸肉 乾山藥 微焙各 四兩



牡丹皮

白茯苓 去皮

白澤瀉 去毛各三兩

附子

童便浸煮去皮臍切

肉桂

去粗皮勿見火各一兩

右八味為末。煉白蜜丸。梧子大。每服五七十九。空心淡鹽

湯臨卧時溫酒下。以美饍壓之。

腎氣丸 金匱

八味丸 肉桂易桂枝

錢氏六味丸

一名六味地黃丸

治腎水真陰不足。

八味丸去桂附。方中熟地黃用縮砂蜜八錢製。

按金匱八味腎氣地黃本無縮砂之製。以中有附子之雄。

肉桂之竄也。錢氏裁去一味。治小兒解顛等證。雖曰素稟

腎虛。而純陽未動。地黃不製可也。後世借治真陰不足。乃

用縮砂製地黃。不特無減食作瀉之虞。服後連噉數聲。氣



轉食運脾腎安和。其陽生陰長之妙。世都莫知。茲特表而出之。

加減六味丸

治陰虛咳嗽。吐血骨蒸。及童勞。晡熱消瘦等

證。

六味丸去山茱萸。加葳蕤四兩。亦可作膏

河車六味丸

治稟質素虛。將欲成勞。

六味丸本方用紫河車熬膏丸服。

都烝丸

治腎水不固。欬精滑。

八味丸去桂附。加五味子一兩。

七味丸

治腎虛火不歸根。遊散在上在外。

八味丸去附子

一方桂用二兩

加減八味丸

治腎虛火不歸源。閏熱欬嗽。



八味丸去附子。加五味子一兩。

濟生腎氣丸。治腎氣不化。小便瀦數。

八味丸本方用茯苓三兩。熟地四兩。山藥山萸丹皮澤瀉肉桂各一兩。附子五錢。加牛膝車前各一兩。

此本金匱腎氣方中諸藥各減過半。惟桂苓二味仍照原方。爲宣布五陽。開發陰邪之耑藥。更加牛膝車前。爲太陽厥陰之嚮導。以肝爲風木之藏。凡走是經之藥。性皆上升。獨牛膝通津利竅。下走至陰。車前雖行津液之府。而不傷犯正氣。故濟生方用之。詳金匱腎氣用桂枝而不用肉桂者。陰氣固結於內。勢必分解於外。則腎氣得以流布周身。而此旣用牛膝引入至陰。又需桂附蒸動三焦。不特決瀆有權。膀胱亦得以化。所以倍用肉桂。暗藏桂苓丸之妙用。

愈於五苓十倍矣。但方中牛膝滑精。精氣不固者勿用。

清金壯水丸 治腎藏水虧火旺。蒸熱欬嗽。

八味丸去桂附。加麥門冬三兩。去五味子一兩。

納氣丸 治脾腎皆虛。蒸熱欬嗽。倦怠少食。

八味丸去桂附。加沉香一兩。砂仁二兩。如泄瀉少食者。

用乾山藥末調糊代蜜為丸。

香茸八味丸 治腎與督脈皆虛。頭旋眼黑。水煎服

八味丸去桂附。加沉香一兩。鹿茸一具。

十補丸 治稟賦陽虛。下體無力。小兒解顛。脛軟膝蓋不生。

八味丸加鹿茸一具。五味子一兩。

枳木湯 金匱 治水腫心下如盤。邊如旋盤。

枳實 十枚 白朮 二兩



右二味水煎溫分三服。腹中軟。即當散也。

枳朮丸 治脾不健運。飲食不化。

枳朮湯用枳實一兩。白朮二兩。荷葉裹。米燒飯為丸。米

湯下七八十九丸。

海藏曰。東垣枳朮丸。本仲景枳朮湯。至晚年道進。用荷葉

燒飯為丸。取留滓於胃也。太無曰。金匱治水腫。心下如盤。

故用湯以蕩滌之。東垣治脾不健運。故用丸以緩消之。二

方各有深意。不可移易。

香砂枳朮丸 治氣滯宿食不消。

枳朮丸加木香砂仁各半兩。

橘半枳朮丸 治痰食兼併不化。

枳朮丸加橘皮半夏各半兩。



深師消飲丸 治停飲胸滿嘔逆腹中水聲不思飲食

枳朮丸加茯苓一兩炮薑半兩薑汁調神麴煮浮糊丸

梧子大淡薑湯或沸湯米湯任下三四十九

按此即腎著湯去甘草之緩中易枳實以導滯也

平胃散 局方 治胃中宿食不化藜藿人宜之

蒼朮 泔浸去皮麻油拌炒黃四兩

陳皮 浮白去甘草 炙各三兩

右四味為散每服四五錢加生薑三片水煎溫服

香連平胃散 治食積發熱腹痛作瀉

平胃散加薑汁炒川連二兩木香一兩

不換金正氣散 局方 治時氣不正感冒夾食

平胃散加藿香半夏時氣加香鼓



藿香正氣散 局方 治水土不服。感冒時氣夾食。

平胃散換白朮。加藿香紫蘇半夏茯苓白芷桔梗大腹

皮薑棗。 古本無大腹皮有蒼朮

人參養胃湯 局方 治食滯痞滿。寒熱痞瘕。

平胃散加藿香半夏人參茯苓草果薑棗烏梅。

參苓平胃散 治脾虛飲食不化。大便不實。

平胃散加人參茯苓

白鳳膏 治少年稟氣不足。因飲食饑飽所傷。致成虛損。形

體羸弱。日晡潮熱。腹脹氣急。脈來弦數者。上

平胃散四兩。加參苓各一兩。京棗四兩。去核。逐一填入

前藥入烏嘴白鴨腹內。男雌女雄。製法如烏骨雞丸。

此葛可久方。丸以蒸餅取緩留胃脘。而和中氣之傷也。蓋



參苓平胃。原非補益腎水之藥。予嘗借此以治飲食內傷。中氣不和。發熱羸瘦之證。往往獲効。詳方名白鳳者。以鳧字下几字。加於鳥字之上也。且丸以膏名。取脂膏之義。藏機法也。

厚朴湯 治脾胃虛寒。作脹。腹中時痛時止。

平胃散去蒼朮。加茯苓乾薑。潔古加半夏枳實薑棗。

除溼湯 治溼熱痞滿不食。

平胃散加半夏茯苓白朮藿香生薑大棗。

升陽除溼湯 治脾胃虛弱。不能飲食。腹鳴泄瀉。

平胃散去厚朴。加羌活防風升麻柴胡豬苓瀉麥芽。

神麴。

五積散局方

治感冒內挾冷食。脾陰受傷。表裏俱病。

平胃散加麻黃桂枝炮薑半夏茯苓枳殼桔梗白芍當
歸川芎白芷每服四五錢生薑三片葱白三莖水煎去
滓熱服溫覆取微汗。

調中湯 治食積類傷寒及手足四肢發陰斑。

平胃散加枳實白朮乾薑黃連山楂神麴草果水煎去
滓磨木香調服。

胃苓湯 治飲食停積浮腫泄瀉脈證俱實者。

平胃散合五苓散生料煎服。

平胃本平胃氣之壅阜。若因脾土之虛不能消運。又須稍
藉參苓。如養胃之類。然復有土衰不能分利而成腫脹。且
氣壅不勝參朮。難合理中者。乃合五苓以健運水上。與正
氣散之假蘇藿以散客邪。兩不移易之定例也。

棗礬丸 治食積發黃

平胃散加皂礬麩裏燒紅煮紅棗肉丸服。

此消磨宿滯之第一峻利方。較平胃之緩急百倍。膏梁慎勿固施。服後以穀壓之。否則恐其嘔吐也。

枳殼湯 治痘疹誤服參耆腹脹喘急。

平胃散去蒼朮加枳殼。

二陳湯 局方 治脾胃痰溼。

半夏薑製二錢半 茯苓錢半

甘草炙一錢 生薑三片

右六味水煎空心溫服。

燥痰減半夏生薑加麥門冬竹瀝鬱痰乾效去半夏用蜜煎薑加川貝母火痰加黃連竹茹老痰加蛤粉海石。

陳皮畧去白一錢

烏梅肉半個



按此方本內經半夏湯。及金匱小半夏湯。小半夏加茯苓湯等方而立。加甘草安胃。橘皮行氣。烏梅收津。生薑豁痰。乃理脾胃。治痰溼之專劑也。其靈樞半夏湯。見不得卧門。

小半夏湯

金匱又名生薑半夏湯

治痰積膈上。喘嗽嘔噦。

二陳湯去陳皮甘草茯苓烏梅。用半夏一兩。

泡去涎水生薑

汁半合。

半夏湯

千金

治膽府實熱。

二陳湯去陳皮甘草烏梅。生薑易宿薑。加黃芩生地黃

秫米遠志酸棗仁。以流水煮秫米。去滓煎服。

小半夏加茯苓湯

金匱

治痰飲多汗。小便不利。

二陳湯去陳皮甘草烏梅。用半夏一兩。生薑汁半合。茯苓

苓三錢。



大半夏湯 治胃反嘔吐

二陳湯去陳皮甘草茯苓烏梅。加入參三錢。以水和。蒸揚之二百四十遍。煮藥溫服。千金有橘皮。治氣滿腹

脹。又千金大半夏湯。本方更加附子當歸桂心蜀椒

厚朴枳實茯苓甘草大棗。治胃中虛冷。腹滿氣塞。

半夏乾薑湯 治乾嘔吐涎沫。

二陳湯去茯苓陳皮甘草烏梅生薑。加乾薑等分爲散。

取方寸匕。漿水煎服。

橘皮湯 治乾嘔噦手足厥。

二陳湯去半夏茯苓甘草烏梅。用橘皮四錢。生薑一兩。

橘皮半夏湯 治積氣痰痞。飲食嘔吐不止。

二陳湯去茯苓甘草烏梅。用半夏橘皮各半兩。生薑汁



半合。

橘皮枳實生薑湯 金匱

治胸痺短氣。

二陳湯去半夏茯苓甘草烏梅。用橘皮一兩。生薑半兩。

加枳實三錢。

橘皮竹茹湯

金匱

治胃虛噦逆。

二陳湯去半夏茯苓烏梅。用橘皮三錢。甘草一錢。生薑

半兩。加竹茹三錢。人參一錢。大棗二枚。

半夏厚朴湯

金匱即四七湯

治氣結成疾。狀如破絮。或如梅核。結

在咽喉。咯不出。嚥不下。中脘痞滿。氣鬱不舒。惡心嘔逆。

切鬱證初起屬實者。

二陳湯去橘皮甘草烏梅。加紫蘇厚朴。一方有

加味四七湯

治心氣鬱滯。



四七湯加茯苓神遠志菖蒲甘草。

指迷茯苓丸 治中脘留伏痰飲。臂痛難舉。手足不能轉移。

背上凜凜惡寒。

二陳湯去陳皮甘草烏梅。本方用半夏麴二兩。茯苓

兩。加枳殼風化硝各半兩。薑汁調。神麴糊丸。梧子大。每

服三五十九。空心淡薑湯下。

厚朴生薑甘草半夏入參湯 玉函

治胃虛嘔逆。痞滿不食。

二陳湯去茯苓陳皮烏梅。加入參厚朴。

二朮二陳湯 治脾虛痰食不運。

二陳湯加生白朮 薑汁 茅朮 麻油 拌炒

分氣紫蘇飲 治脇痛氣喘。

二陳湯去半夏。加紫蘇桑皮大腹皮桔梗五味子食鹽。



寧嗽化痰湯 治客邪傷肺。久嗽不止。

二陳湯加紫蘇葛根枳殼桔梗前胡麻黃杏仁桑皮。

導痰湯 治溼痰內外壅盛。

二陳湯加南星枳實。

加味導痰湯 治溼熱痰飲。眩暈痰窒。

導痰湯加人參白朮黃芩黃連括蕒葶霜桔梗大棗竹瀝

薑汁。

十味導痰湯 治痰溼上盛。頭目不清。

導痰湯加羌活天麻蠍尾。臨服入雄黃末少許。

祛風導痰湯 治類中風筋脉顫掉。

導痰湯加羌活防風白朮薑汁竹瀝。

滌痰湯 治類中風痰迷心竅。



導痰湯加菖蒲人參竹茹。

溫膽湯 千金

治心膽虛怯。觸事易驚。多汗不寐。短氣乏力。

皆由寒涎沃膽所致。

二陳湯用橘紅加枳實竹茹紅棗。

參胡溫膽湯

治往來寒熱。嘔而痞悶。

溫膽湯去竹茹紅棗。加入人參柴胡。

十味溫膽湯

治寒涎沃膽。膽寒肝熱。心悸不眠。短氣惡心。

耳鳴目眩。四肢浮腫。

溫膽湯去竹茹。加入人參熟地棗仁遠志五味子。

膽之不溫。由於胃熱不清。停蓄痰涎。沃於清淨之府。所以

陽氣不能條暢。而失溫和之性。故用二陳之辛溫。以溫膽

滌涎。涎聚則熱鬱。故加枳實竹茹以化胃熱也。若寒熱嘔



逆。胃氣不振也。去積實之消尅。紅棗之滯胃。加柴胡以疎肝。人參以扶胃。乃六君子之變法也。更加熟地棗仁遠志五味。又爲歸脾湯法派耳。

消暑丸 局方

治肥人傷暑。眩暈嘔逆。

二陳湯去陳皮。用醋炒半夏二倍。生薑自然汁爲丸。噉漿水或烏梅湯淡醋湯下七八十九。

千緡湯 治風痰喘急。脈證俱實者。

二陳湯去茯苓橘皮烏梅。本方用半夏七枚甘草一寸。生薑指大切。加皂莢去皮莖子酥炙淨末半兩。水煎溫服。一方無甘草。但用半夏一兩皂莢末半兩。生薑七片。同入紗袋中。以手揉取清汁作三服。

溫中丸 治黃胖面腫足脹。是脾虛不能健運。雖有積聚。不



可下之。

二陳湯本方橘半茯苓各一兩。炙甘草五錢。加黃連香附苦參鐵砂醋煨各五錢。白朮二兩。神麴一兩。醋水各半。泛丸。梧子大。每服七八十九。用白朮六錢。陳皮一錢。生薑三片。煎湯送下。虛加人參一錢。病輕者。服此藥六七兩。小便即長。病甚者。服一觔。小便始長。積聚去淨。然後六君子之類調補之。

四君子湯局方

治胃氣虛弱。飲食不思。倦怠少食。

人參 一錢至三錢

白朮 炒黃一錢至二錢

茯苓 一錢至三錢

甘草 炙六分至一分

右四味水煎空心溫服。

按四君子乃胃家氣分之端藥。胃氣虛而用之。功效立見。



卽血虛用四物亦必兼此故八珍之主治不獨氣血兩虛也。卽血虛者亦須兼用。但補氣則偏於四君。補血則偏於四物。若純用血藥不得陽生之力。陰無由以化也。方中白朮若治脾胃虛衰大便不實。或嘔惡不食。合用炒焦。方有健運之力。如肺胃虛燥。欬嗽失血。須用陳米飯上蒸過十餘次者。則轉濁爲清。轉燥爲潤。是以異功散八珍湯及歸脾逍遙等方內。並宜蒸者。卽陰虛乾欬。欬吐血。總無妨礙。更加白蜜拌蒸。猶爲合宜。其於輕重炮製之間。全在用者之活法權變。舉此可以類推三隅矣。

異功散

治肺胃氣虛。稀痰喘嗽。

四君子湯加橘皮

白朮去

爲散。

每服三四錢。

加生薑一片。

水煎去滓服。

六君子湯 治胃虛少食。痰嗽嘔泄。

四君子湯加橘皮半夏生薑。

香砂六君子湯 治氣虛痰食氣滯。

六君子湯加木香砂仁烏梅。

烏蠍六君子湯 治小兒慢脾風內釣。

六君子湯加川烏蠍尾神麴糊丸服。

溫脾散 治小兒心脾虧損弄舌及虛脹乳食不進。

四君子湯加黃耆藿香訶子肉橘皮桔梗木香為散每

服三四錢加薑棗煎服。

茯苓飲 外臺 治胸中停痰宿水吐後虛滿不食。

四君子湯去甘草加枳實橘皮生薑。

惺惺散 局方 治小兒傷寒發熱欬嗽。



四君子湯加桔梗細辛羌活一作花粉等分爲散。每服一二錢。加薄荷五葉。水煎熱服。取微汗愈。不愈再作。加葱白香豉。

四獸飲 治癰疾胃虛中挾痰食。

四君子湯加半夏橘皮草果爲散。每服四五錢。加生薑七片。烏梅肉一箇。水煎清晨熱服。

八味順氣散 治類中風虛脹喘逆。

四君子湯加青皮橘皮白芷烏藥爲散。每服四五錢。水煎溫服。

參苓白朮散 局方一名參朮飲 治胃虛喘嗽大便不實。

四君子湯加山藥藕豆蓮肉桔梗薏苡砂仁爲散。每服四五錢。加薑棗煎服。

七味白朮散 白朮散 治胃虛津氣不行而渴。

四君子湯加藿香木香煨葛根為散。每服三四錢。水煎。

日三服。

八珍散 治胃虛痰中見血及紛紅痰。

四君子湯加黃耆山藥粟米菡豆。炒存性

九味資生丸 治老人食難克運。

四君子湯本方參朮各三兩。茯苓一兩半。炙甘草半兩。

加橘紅檀肉真神麴各二兩。川黃連白豆蔻各三錢半。

煉白蜜丸服。古方止此九味。後人更加桔梗藿香各

半兩。澤瀉三錢半。菡豆蓮肉各一兩。薏苡三兩。山藥麥

芽芡實各一兩半。醉飽後細嚼彈子大一丸。淡薑湯下。

則酒食易化。健脾開胃。消食止瀉。調和藏府。滋養營衛。



饑時服之即飽。飽後食之即饑。藥雖繁簡不同而功效不異。因兩存之。

八珍湯 治婦人胎產崩漏。氣血俱虛者。

四君子湯合四物湯。

八物湯 治營衛俱虛。畏寒發熱。

八珍湯去人參加黃耆。

按八珍八物功用懸殊。以人參專補藏府元氣。黃耆惟司營衛開闔也。世人每謂黃耆代人參。恆用八物補益藏府之氣。大為噴飯。

人參胃風湯 局方 治風入胃中。能食便血。

四君子湯去甘草。加當歸白芍川芎桂枝粟米。一方

多木香。



按風入胃中。何以反能食。蓋風為陽邪。其性善行。久而化熱。即內經所謂痺成爲消中者是也。方中但用桂枝去風。而不去熱者。以熱必隨風外解。不必加治耳。

益氣養骨湯 治癩癰結核流注。一切鬱熱毒氣。

八珍湯加黃耆桔梗貝母香附橘皮生薑。

大防風湯 局方 治邪襲足三陰。腿膝疼痛。及痢後脛膝痛。

鶴膝風。附骨疽證。但赤熱焮腫者禁用。

四君子湯去茯苓。加肉桂附子黃耆牛膝杜仲熟地白

芍川芎羌活防風。

四物湯 局方 治營血虛熱。

熟地黃 二錢 當歸身 一錢

白芍藥 錢半

川芎 藟 八分



右四味水煎溫服。肥盛多溼痰。及嘔逆少食便澹者禁用。

增損四物湯 局方 治血虛發熱。食少便澹。

四物湯去地黃加人參甘草炮薑。

加減四物湯 治停經血滯。少腹結痛。

四物湯換赤芍加三稜蓬朮肉桂乾漆灰。

四烏湯 治血中氣滯。小腹急痛。

四物湯加烏藥香附甘草。

四神散 治產後血虛。或瘀血腹痛。

四物湯去地黃加炮薑為散。溫酒服。方寸匕。

當歸芍藥散 金匱 治腹中諸痛。

四物湯去地黃加白朮茯苓澤瀉為散。酒服。方寸匕。日

三。



當歸散 治妊娠胎氣不安。

四物湯去地黃加黃芩白朮為散。飲服方寸匕。日三。

芎藭湯 千金 治產後崩漏下血不止。

四物湯換乾地黃加黃耆甘草乾薑吳茱萸。若夏月經

後有赤白不止。除地黃加杜仲人參。

三黃補血湯 治血虛至夜發熱自汗。

四物湯加生地黃黃耆升麻柴胡丹皮。

四物二連湯 治重陽無陰晝夜發熱。

四物湯加宜黃連胡黃連。

按此本為重陽無陰晝夜發熱而立。必其人時火亢極於陰分。乃為相宜。以陽邪暴虐。故曰重陽。陰欲消亡。是即無陰。非真陰補虛之謂。蓋陽全陰半。陽得以統陰。所以晝夜



皆熱。若陰氣自病。斷無上午陽分發熱之理。每見時師用
以治虛勞蒸熱。及血虛發熱之疾。服之未有不嘔瀉奪食
者。曷知方下原治發熱。未嘗言蒸熱也。夫熱發於外。雖滯
於陰。實爲客邪。熱蒸於內。陰不濟陽。證屬久虛。可不辨而
混治乎。其陰虛蒸熱。自有六味地黃。血虛發熱。自有當歸
補血。亦何藉於此哉。

大秦朮湯。治中風外無六經形證。內無便溺阻隔。宜此養

血營筋。血行風自滅矣。

四物湯加秦朮。生地黃。羌活獨活。防風細辛。茯苓白朮。

白芷黃芩。石膏甘草。

張景岳曰。大秦朮湯在機要發明。俱云治中風外無六經
之形證。內無便溺之阻隔。如是血弱不能養筋。宜養血而

筋自榮。以大秦朮湯羌活愈風湯王之。大秦朮湯雖有補血之藥。而寒散之劑居其半矣。夫既無六經之外邪。而用散。何為也。既無阻隔之火邪。而用寒。何為也。寒散既多。又果可養血氣而壯筋骨乎。秦朮湯且不可。愈風湯則尤其不可者也。吾不知用此法者果出何意。

獨活寄生湯 千金

治風痺腰脚疼重

四物湯加獨活桑寄生杜仲牛膝細辛秦朮茯苓桂心防風人參甘草。古今錄驗無寄生。有續斷。肘後無寄生。人參甘草當歸。有附子。產後腹痛不得轉動。及腰脚攣痛。不得屈伸痺弱者。宜服此湯。

十味剉散 治溼痺周身疼痛

四物湯加白朮附子防風茯苓黃耆肉桂

此卽十全大補。去人參甘草之甘緩補氣。而加附子防風。以通達外內也。

玉燭散。治血熱大便秘結。

四物湯換生地黃加生甘草酒大黃玄明粉生薑萬金方無大黃明粉。易青皮枳殼。

膠艾湯。治陷經下血孕婦胎漏不止。

四物湯用乾地黃加阿膠甘草艾。清酒和水各半煎服。

一方多千金無地黃芍藥。

丁香膠艾湯。治經漏兼白帶。

四物湯加丁香阿膠艾。

加味香附丸。治倒經自汗胎漏下血。

四物湯本方用熟地八兩。歸芍各四兩。芎藭三兩。加四



製香附一觔澤蘭葉烏賊骨各六兩爲末用浮麥麩酒

醋水調糊爲丸如菉豆大每服百丸早暮各一服溫酒

沸湯任下。

艾煎丸局方治婦人崩傷淋瀝帶下赤白小腹痛

四物湯本方婦地芍各二兩川芎一兩加人參石菖蒲

炒吳茱萸用開口者醋炒各一兩爲末用蘄艾四兩酒煎濃汁

入糯米糊爲丸梧子大每服百丸醇酒下更加肉桂熟

附子各一兩香附四兩名艾附丸

溫經湯金匱

治經水不調崩帶及脣口乾燥并治經阻不

通咳嗽便血此肺移熱於大腸也

四物湯去地黃加阿膠甘草人參肉桂吳茱萸牡丹皮

麥門冬半夏生薑更加白朮名大溫經湯



此方本膠艾湯而立。以虛火上炎。脣口乾燥。故用麥冬。濁溼下滲。不時帶下。故用半夏。若無一證。不必拘執成方也。芍歸湯及散。治妊娠胎不轉運。

四物湯去地黃芍藥。湯則煎服。散則酒調服之。以驗胎息。若是真胎。服之即動。勿經火炒乃効。

佛手散 治產婦胎不得下。

四物湯去地黃芍藥。等分炒研為散。紅酒調服。

加味佛手散 治產婦交骨不開。

四物湯去地黃芍藥。本方婦用三錢。芎用一錢。加上棟人參三五錢。去血過多。加至一兩。臨服人參便半盞續續進之。質壯氣實者。但加童便。人參不用可也。

紫蘇飲 治妊娠臨月。浮腫喘脹。



四物湯去地黃加紫蘇陳皮大腹皮人參甘草生薑葱

白。感冒風寒。去腹皮加香鼓胎動不安加黃芩白朮

胎不運動加木香砂仁肥盛氣滯加半夏厚朴虛羸少

氣加白朮倍人參

達生散 治妊娠九個月後服數劑則易產

紫蘇飲去川芎加白朮黃楊腦三枚

芎歸鱉甲飲 治勞瘵久不止或暫止復來

四物湯去地黃加茯苓半夏橘皮鱉甲薑棗烏梅寒多

加草果熱多加柴胡胃虛少食加人參白朮汗多加黃

耆甘草一方多青皮

續命湯 治風虛昏憤自汗手足痲痺

四物湯加人參甘草桂心遠志防風獨活細辛葛根荆



芥半夏爲散。每服一兩。加生薑二片。水煎通口服。多汗

去葛根加牡蠣。

生地黄黃連湯。治失血後燥熱癰癢。脈數盛者。

四物湯換生地黄赤芍。加黃連黃芩山梔防風。

滋燥養營湯。治血燥皮膚皴揭。筋攣爪枯。

四物湯去川芎加生地黄黃秦芎防風黃連甘草。

大補地黄丸。治精血枯槁燥熱。

四物湯去川芎。加生地黄黑參黃檗知母乾山藥山茱萸。

枸杞肉蓯蓉蜜丸。每服六七十丸。空心鹽湯。臨卧溫酒

下。

劫勞散。局方。

治肺痿欬嗽。痰中有紅線。盜汗發熱。熱過卽

冷。



四物湯去川芎。加人參黃耆甘草阿膠五味子半夏爲散。每服三四錢。加薑棗煎空心服。

加味四物湯 治血虛發熱。

四物湯加白朮茯苓柴胡丹皮。

解毒湯 治痘瘡血氣弱乾焦黑陷。

四物湯換生地。加人參連翹黃連甘草陳皮木通竹葉。

寬中散 治痘疹誤用辛熱秘結。

四物湯去川芎換生地。加枳殼赤茯苓甘草爲散。每服

方寸七。水煎去滓服。

麥門冬湯 治痘疹便實而渴。

四物湯去川芎換生地。加麥門冬。

保元湯 治營衛氣血不足。



黃耆 蜜酒炙三錢至六錢

人參 三錢至一兩

甘草 炙一錢

水煎空心服。

獨參湯 治氣虛不能統血。驟然脫血。血崩不止。

人參三錢至一兩。大虛暴脫者。一兩至三兩。胃虛少食。

加橘皮。肺虛喘嗽。加橘紅。血脫。加童便半杯。薑汁三七。

一方多京棗三枚

歸脾湯 治心脾鬱結。經癸不調。

保元湯。加白朮。茯苓。酸棗仁。遠志。肉當歸。身桂。圓肉。木

香。生薑。紅棗。

加味歸脾湯 治心脾鬱結。經閉發熱。

歸脾湯。加柴胡。山梔仁。

聖愈湯 治失血過多。久瘡潰膿。



保元湯去甘草。加生地黃熟地黃川芎當歸。

十全大補湯

局方

治管衛氣血俱虛。

保元湯加白朮茯苓熟地當歸川芎白芍肉桂薑棗。

按和劑十全大補。雖本保元。而實四君四物黃耆建中三方合成。因飲食勞倦。而致煩熱。肌肉消瘦者宜之。若房勞傷精。思慮傷神。陰虛火旺。欬嗽失血者誤用。反致陰火上乘。轉增其劇也。又古方十全大補無黃耆肉桂。多沉香木香。此則專開脾胃之鬱爾。

人參養營湯

局方

治心脾虛寒。

保元湯加白朮茯苓橘皮熟地當歸芍藥肉桂遠志肉

五味子。

接方中諸品。皆心脾二經之藥。而方下舊註云。補肺虛。謬



矣。夫養營正當補養心脾。原無藉於肺氣也。

大建中湯 局方

治管衛俱虛。上熱下寒。

十全大補湯加附子肉苁蓉半夏麥門冬。

人參安胃散

治小兒心脾虛極弄舌。

保元湯加黃連茯苓白芍生甘草。

人參實衛湯

治癰自汗不止。

保元湯加白木芍藥初發加桂枝久癰加烏梅。

黃耆六一湯 局方

治衛虛自汗晝日煩熱。

保元湯去參用黃耆六錢甘草一錢加棗一枚。

當歸補血湯

治血虛至夜發熱煩渴引飲其脈洪大而虛。

重按全無者。

保元湯去人參甘草用黃耆六錢加當歸二錢。



玉屏風散 治衛虛自汗。易感風邪。用此補脾實衛。

保元湯去人參甘草。用黃耆六兩。加防風二兩。白朮四兩。為散。每服四五錢。加薑棗煎服。

上三方竝屬保元去參。而黃耆六一。則藉本方甘草協助黃耆。以實脾氣。故晝日多汗。煩擾者宜之。當歸補血。專用當歸。引領黃耆。以護營血。故失血至夜發熱者宜之。玉屏風散。則加白朮防風。以祛衛溼。故理疎易感風邪者宜之。三方雖同。以黃耆為君。而主氣主血。主肉各隨佐使。功用迥乎不侔也。

益氣聰明湯 治氣虛目暗。生醫耳聾耳鳴。

保元湯加升麻葛根蔓荊芍藥酒黃蘗。

此保元湯合升麻湯。加蔓荊子以治其上。黃蘗以治其下。



也。

神功黃耆湯 治氣虛耳目不明。

保元湯用黃耆二錢。人參甘草各一錢。加白芍一錢。蔓

荆子二分。橘皮五分。

耳目之患。氣虛而陰火上乘者。宜益氣聰明湯。無陰火者。

宜神効黃耆湯。用者審之。

千金托裏散 治氣血虛寒。潰瘍不收。

保元湯加川芎當歸肉桂白芷防風桔梗白芍天冬連

翹忍冬生薑。

參耆內托散

治潰瘍感冒風邪。痘疹觸穢伏陷。及癰疽久

不潰。

保元湯加川芎當歸肉桂白芷防風桔梗木香厚朴。

本方去木香名十宣散治痘癰。

托裏消毒散 治癰疽痘疹毒盛不能起發。

保元湯加當歸芍藥茯苓白朮忍冬白芷連翹。

內補黃耆湯 治潰瘍膿水出多虛熱不寐盜汗。

保元湯加白朮茯苓五味棗仁。

人參固肌湯 治痘瘡表虛斑爛不能收靨。

保元湯加當歸白朮茯苓棗仁恐冬連翹。

補中益氣湯 治內傷中氣下陷下元虛者禁用。

保元湯本方參耆甘草減半加白朮一錢當歸橘皮柴

胡各八分升麻五分勞力感寒加羌活薑棗冬加桂枝。

春加香豉葱白。

調中益氣湯 治身體沉重百節煩疼胸滿知氣心煩耳鳴。



目熱如火。口中沃沫。飲食失味。嗜卧溺赤。

補中益氣湯加白芍藥五味子。

升陽益胃湯。治脾胃受傷。邪熱內陷。外反惡風。厥冷脈沉。

大小便秘澹。不可誤認陰寒。而用熱藥。又不可誤認實火。

而用涼藥。宜此湯升舉。微汗則愈。

補中益氣湯去升麻當歸。加羌活獨活白芍防風半夏。

茯苓澤瀉酒煮黃連薑棗。服藥後忌言語一二時。戒酒。

麩生冷薄滋味。以養胃氣。稍食美食。以助藥力。更宜小。

役形體。使胃氣與藥轉運升發。慎勿大勞。以傷脾胃。生。

發之氣。

升陽順氣湯。治飲食不節。勞役所傷。腹脇滿悶。短氣。遇春。

則口淡無味。遇夏雖熱。猶有畏寒。饑則常如飽。不喜飲食。

補中益氣湯去白朮加半夏草豆蔻神麴黃檗生薑

瀉陰火升陽湯 治火鬱發熱

補中益氣湯去白朮當歸橘皮加羌活蒼朮黃芩黃連

石膏早飯後大溫服服後宜禁一加升陽益胃湯如見

火旺及督任衝三脈盛用酒炒黃檗知母少許不可久

服恐助陰氣為害也

沖和養胃湯 治風虛目患空中有黑花神水變淡綠色次

變淡白漸成內障

補中益氣湯去橘皮加羌活防風黃連白芍五味生薑

通氣防風湯 治太陽氣鬱肩背不可回顧

補中益氣湯去白朮當歸加防風羌活藁本黃檗白豆

蔻青橘皮



清暑益氣湯 治暑傷無形之氣。口燥頭痛。發熱溺赤。

補中益氣湯去柴胡。加麥門冬。五味子。蒼朮。葛根。澤瀉。

黃檗神麴青皮。

此以保元生脈為主。而兼開腠利水消尅之味。

清燥湯 治夏秋溼熱傷氣。

補中益氣湯加生地黃。黃連。豬苓。茯苓。麥門冬。五味子。

蒼朮黃檗澤瀉神麴。

節菴升陽散火湯 治熱乘肺金。氣虛不能主持。循衣撮空。

小便利者可治。不利者不可治。

補中益氣湯去升麻黃耆。加麥冬。茯神。黃芩。白芍。薑棗。

有痰加薑汁炒半夏。大便燥實。讖語發渴。加大黃。泄利。

加升麻。倍白朮。



托裏散 治痘毒虛不能潰

補中益氣湯去升麻加熟地茯苓芍藥

生脈散

治熱傷肺胃虛熱喘嗽脈虛無力

人參三錢 麥門冬二錢 五味子一錢

水煎不時熱服

門冬清肺飲

治火乘肺胃喘嗽吐血衄血

生脈散加黃耆甘草紫苑白芍當歸

此生脈保元合用以滋金水化源其紫苑佐黃耆而兼調

管衛深得清肺之旨其餘芍藥酸收當歸辛散且走血而

不走氣頗非所宜不若竟用生脈保元清肺最多先哲有

保元生脈合用氣力從足膝湧出以兼耆實胃五味斂津

皆下焦之專藥耳



宜明門冬飲。治心移熱於肺。傳為膈消。

生脉散加茯苓甘草生地黃栝藹根煨葛根知母竹葉

易老門冬飲。治老人津虧大渴。

生脉散加茯苓甘草枸杞生薑。

二方並本生脉。而易老差勝。蓋明之重在旺氣。易老專滋

血氣。治得其本矣。

天王補心丹。治心腎虛耗。怔忡不寧。

生脉散加熟地茯苓茯神遠志菖蒲黑參丹參栝子仁

酸棗仁天門冬百部當歸杜仲桔梗甘草蜜丸。硃砂為

生烟衣。空心龍眼紅棗湯下。二三錢。

清心蓮子飲。治心包火旺。小便赤澀梗痛。

生脉散加黃芩地骨皮車前茯苓黃耆蓮子。



此用生脉散合黄芩清肺而兼導赤之製。其旨在於心包火炎上灼於肺。熱傷氣化不能生水。故用生脉救肺之燥。以滋上源。則知肺本無熱。皆緣受火之淫而致熱傷氣化。安可復用黃芩以伐其肺乎。曷不竟用生脉合道赤全方。豈不源流同清。理明辭暢乎。卽或不然。不妨削去木通。仍用茯苓蓮子以存清心之意。至於局方又以保元爲主。乃去五味加入甘草。益失滋肺上源之旨矣。

二冬膏

治肺胃燥熱痰瀉欬嗽。

天門冬

去心

麥門冬

去心

等分

右二味熬膏。煉白蜜收。不時嚙熱嚙之。

固本丸 治老人津血俱虧。效通便秘。

二冬膏加生熟地黃。與本方二冬各八兩。人參四兩。蜜



丸。酒下四錢。熬膏尤宜。食少便滑禁用。

固本丸雖主扶陰抑陽。然四味純陰之性。僅用少許。人參已覺味勝於氣矣。而世本此方。二冬二地各用八兩。人參二兩。幾幾乎羣陰剝陽之象。况復舉世醫流。往往削去人參。盡知陰柔之味。不得陽和之力。每致奪食作瀉。內經所謂無陽則陰無以化。安望其有補益之驗歟。

或問近世病家。吝惜多金。醫家迎合鄙性。往往用參湯服瓦。此法可否。曰此曲突徙薪之法也。鄙夫但知人參珍貴。以爲入口便補。不知配合之妙。全在佐使得宜。若用參湯送丸。則參力先行。至丸化時。參力相去已遠。非若膏劑之用參湯調服。仍得併力奏功也。

集靈膏

治久嗽氣血俱虛。不能送痰而出。

固本丸中二冬二地各十兩。人參六兩。加枸杞六兩。熬膏蜜收。如血虛便難加歸身。脾弱便溏加白朮。以糖霜代蜜收之。

三才丸 治氣血俱虛。精神不固。元陽失合者宜之。

二冬膏去麥門冬。加入人參熟地等分。蜜丸服之。加黃蘗。

甘草砂仁名三才封髓丹。

甘露飲 局方 治胃中客熱煩躁。口鼻咽瘡。牙宣口臭。

二冬膏加生地黃熟地黃茵陳枳殼黃芩石斛甘草枳

杷葉。

桔梗湯 玉函 治冬時伏邪發於少陰。咽痛不差。及風熱肺

氣不清。喘嗽喉中介介如梗狀。肺痿肺癰初起並得服之。

桔梗

甘草 各三錢



右二味。水煎。緩緩服之。

利金湯 治肺燥。瀯不利。而欬。

桔梗湯加貝母。橘紅。枳殼。茯苓。生薑。白蜜。

枳殼煮散 治欬引脇下痛。

桔梗湯加枳殼。細辛。川芎。防風。葛根。生薑。紅棗。

清肺湯 治痘疹。肺熱。喘嗽。吐痰。

桔梗湯加麥門冬。款冬。花杏仁。貝母。牛蒡子。

生地黄散 治斑疹。肺熱。欬衄。血。

桔梗湯加麥冬。生地黄。款冬。杏仁。為散煎服。二錢。

無杏仁。多橘皮。

生聖散 治痘出不快。溺赤。欬痰。

桔梗湯加黃芩。枳殼。木通。為散煎服。二錢。



十六味桔梗湯 治肺壅實熱唾穢痰

桔梗湯加薏苡貝母當歸桑皮栝蒌仁百合枳殼葶藶

五味地骨皮知母防己黃耆杏仁

葶藶薏苡瀉肺湯 治肺癰初潰吐膿血

桔梗湯本方甘草用節加薏苡貝母橘紅黃耆忍冬白

芩葶生薑初起去黃耆加防風潰後膿血去多加人

參潰久不斂加合歡皮

排膿湯 金匱 治內癰膿從嘔出

桔梗湯加生薑大棗水煎日二服

排膿散 金匱 治內癰膿從便出

桔梗湯去甘草加枳實芍藥為散取雞子黃一枚以藥

與雞子黃相等揉和飲和服之日一服



防已黃耆湯

金匱

治風溼相搏。客在皮膚。關節疼痛。腰已

下疼重。脈浮自汗惡風。

防已

酒洗

黃耆

各錢半

白朮

一錢

甘草

炙八分

生薑

四片

大棗

二枚

右六味。水煎熱服。後當如蟲行皮中。腰已下如冰。後坐被

上。又以一被遶腰下。溫令微汗差。

喘加麻黃。胃氣不和加芍藥。氣上衝加桂枝。下有陳氣加

細辛。陳氣久積之寒氣也。

防已茯苓湯

金匱

治皮水四肢腫。皮膚聶聶動。

防已黃耆湯去白朮薑棗。本方中防已黃耆各三錢。甘

草一錢。加肉桂三錢。茯苓六錢。水煎溫分三服。

防已湯

千金

治歷節四肢痛如錐刺。



防已黃耆湯去黃耆人棗本方中防已白朮生薑各四

錢甘草三錢加桂心茯苓各四錢烏頭一枚去皮熬人參

二錢以苦酒和水煮日三夜一服當覺焦熱痺忽忽然

慎勿怪也若不覺復服以覺乃止

梔子豉湯

玉函

治汗下不解虛邪留於膈上心下結痛虛

煩懊懣不得眠反覆顛倒卧起不安者

梔子

十四枚擘

香豉

四合

右二味水煎分二服溫進一服得快吐止後服

按仲景太陽例中用梔子豉湯有三皆主汗下後虛邪不

解之證其梔子必取肥者生用一吐而膈上之邪與火俱

散也若其時行疫癘頭痛發熱此湯加葱白最捷多有服

之不吐者胃氣強也加蠶汁服之或以鷲翎探之或借用



以清解膈上鬱結之火。不欲其吐。又須山梔炒黑用之。便
屈曲下行小便矣。如衛氣素虛人。感冒客邪。自汗多者。此
方中香豉須炒熟用之。至於少氣。爲胃氣之虛。則加甘草
以緩調之。嘔爲痰飲之逆。則加生薑以開豁之。下後心煩
腹滿。明是濁氣內陷。乃於本方除去香豉表藥。加枳朴以
湧泄之。丸藥大下後。身熱不去微煩。明是虛火外擾。本方
亦不用香豉。而加乾薑以溫順之。其有身黃發熱。明是溼
邪鬱發。亦於本方去香豉。而加礞皮以苦燥之。下後勞復
食復。明是正不勝邪。本方加枳實以清理其內。用清漿水
煮。取味微酸。使之下行而不上越也。若有宿食。則加大黃
如博碁子大五六枚。同一梔子豉法功用之妙。神化莫測。
非庸俗所能擬議也。

梔子甘草豉湯 玉函 治下後少氣

梔子豉湯加甘草

梔子生薑豉湯 玉函 治下後嘔吐

梔子豉湯加生薑

梔子厚朴湯 玉函 治下後心煩腹滿

梔子豉湯去豉加枳實厚朴

梔子乾薑湯 玉函 治丸藥大下後身熱不去微煩

梔子豉湯去豉加乾薑。上四方服法。如梔子豉湯。

梔子櫟皮湯 玉函 治太陽證身黃發熱

梔子豉湯去豉加櫟皮甘草水煎分溫再服。

枳實梔子豉湯 玉函 治勞復食復

梔子豉湯倍香豉加枳實三枚用清漿水七升空煮取



四升。內枳實。梔子。煮取三升。下豉。更煮五六沸。去滓。分

溫再服。覆令微似汗。有食加大黃如博碁子。大五六枚。

梔子大黃湯 治酒瘴心中懊懣或熱痛。

梔子豉湯加枳實大黃。

黃芩清肺飲 治渴而小便不利。

梔子豉湯去豉用炒黑山梔加黃芩等分熱服探吐之。

不應加香豉一撮。

此方妙用全在探吐以提其上則肺氣立清若服而不吐。

不特綿延不能克應縱或小差其苦寒之性留薄於內大

傷氤氳之氣得不爲之預慮乎。

梔子仁湯 治小便不通煩悶腹脹。

梔子豉湯去豉加甘草茅根葵子。



小承氣湯

玉函

治少陽陽明府證

大黃

四錢 生用

厚朴

六錢

枳實

三枚 炙

初服湯當更衣。不爾者。盡飲之。若更衣勿服之。

經云。亢則害。承迺制。專取大黃以制亢極之害也。承氣湯

證有三。太陽之邪。初傳陽明之府。用調胃承氣。藉甘草之

緩。欵留硝黃。以祛胃中方張之邪。邪熱亢極於胃。用大承

氣之硝黃枳朴併攻全盛之邪。故無庸於甘緩也。邪氣聚

聚。欲犯少陽之界。斯時熱已向衰。但須枳朴助大黃以擊

惰滯之邪。故無取於芒硝之峻銳也。其桃核承氣則又主

太陽犯本之證。以桃仁桂枝血藥引調胃承氣三味以破

胸臃畜血。與陽明之府畧無交涉。

調胃承氣湯

玉函

治太陽陽明府證



小承氣湯去厚朴枳實。方中大黃酒浸。加芫硝三合。甘草二錢。

大承氣湯 玉函 治正陽陽明府證。

小承氣湯本方大黃酒洗倍用。厚朴半兩。枳實五枚。加

芫硝三合。

桃核承氣湯 玉函即棗仁承氣湯 治熱結膀胱如狂。

小承氣湯去厚朴枳實。加芫硝甘草桃仁桂枝。

厚朴大黃湯 金匱 治支飲胸滿。

小承氣湯倍大黃。

厚朴三物湯 金匱 治腹滿痛閉。

小承氣湯倍厚朴用枳實五枚。

厚朴七物湯 金匱 治腹滿發熱。飲食如故。



小承氣湯加甘草桂枝薑棗。

此本小承氣合桂枝湯中間裁去白芍之酸收不致引邪

入犯營血雖同用桂枝甘草與桂枝湯涇渭攸分其厚朴

獨倍他藥正以泄氣之濁逆耳。

大黃甘遂湯 金匱

治婦人血結少腹如墩。

小承氣湯去枳實厚朴。本方大黃用四錢加甘遂阿膠

各二錢頓服之。

大黃甘草湯 金匱

治食已即吐。

小承氣去枳實厚朴。用大黃一兩加甘草三錢。

大黃牡丹湯 金匱肘後

治大腸癰。

小承氣湯去枳實厚朴加芒硝桃仁牡丹皮甜瓜子。

大黃附子湯 金匱

治脇下寒飲偏痛。



小承氣湯去枳實厚朴。本方用大黃一兩。加附子六錢。細辛二錢。水煎分溫三服。如人行四五里進一服。

按此即瀉心湯去苓連之苦燥瀉裏。加細辛之辛溫走表。以治脇下寒積。兩不移易之定法也。

黃龍湯 治失下循衣撮空。虛極熱盛。不下必死者。

小承氣湯本方用大黃三錢。厚朴錢半。枳實一錢。加芒硝二錢。甘草一錢。人參較太黃減半。當歸二錢。生薑五片。大棗一枚。如腸鳴去芒硝。加半夏茯苓。血秘去甘草。加桃仁泥生地黃汁。氣秘去當歸。加木香。風秘去大棗。加羌活。年老氣虛去芒硝。

湯取黃龍命名。專攻中央燥土。土既燥竭。雖三承氣萃集一方。不得參歸鼓舞胃氣。烏能興雲致雨。或者以爲因虛。

用參。殊不知參在羣行劑中。則迅掃之威愈猛。安望其有補益之力歟。千金又以小柴胡易名黃龍湯。意在培土以安風木。殊非此方寓補於瀉之義。

三化湯 治類中風外無六經形證。內有便溺阻隔。

小承氣湯加羌活。

羌活導滯湯 治大便風秘。

小承氣湯去厚朴加羌活獨活防已當歸甘草。

此方較三化湯藥味稍異而功用不殊。與枳實導滯丸則涇渭各別。彼雖亦本承氣而兼枳朮三黃。因隸之傷飲食門。此不復列。

紫草承氣湯 治痘瘡靛紫便秘喘滿。

小承氣湯加紫草。



抵當湯 玉函

治畜血少腹鞭滿小便自利。

水蛭

熬黑如無以陵鯉甲生漆塗炙代乏

蟲蟲

去翅足熬各三十枚

大黃

酒浸一兩

桃仁

去皮尖三十枚

右四味水煎去滓取三升溫服一升不下再服。

按此與承氣不同承氣用枳實厚朴以利氣此用水蛭蟲

蟲桃仁以破血也。

抵當丸 玉函

治畜血小便自利服湯不應用此丸。

抵當湯本方用水蛭二十枚蟲蟲二十五枚餘同湯方。

杵細入蜜分爲四丸以水一升煮一丸取七合服之。辟

時當下血若不下者更服。

變通抵當丸

抵當丸去水蛭加蠱蟲二十個雞血拌瓦上焙乾餘如



本方。如欲緩攻。臨卧時酒服五丸至十九。瘀下止後藥。

下瘀血湯 金匱

治婦人產後腹痛有乾血著臍下。

抵當湯去水蛭。蟅蟲。加麤蟲。二十枚。熬去足。

代抵當湯丸。治虛人畜血。宜此緩攻。

抵當湯去水蛭。蟅蟲。本方大黃用四兩。浸桃仁用二十

枚。加芒硝。蓬朮。穿山甲。歸尾。生地黃各一兩。肉桂三錢。

為末。蜜丸。畜血在上部者。丸如芥子。黃昏去枕仰卧。以

津嚥之。令停喉以搜逐瘀積。在中部食遠。下部空心。俱

丸如梧子。百勞水煎湯下之。用歸地者。引諸藥入血分

也。如血老成積。攻之不動。去歸地。倍遼朮。肉桂。

涼膈散 局方

治溫熱時行。表裏實熱。及心火亢盛。目赤便

秘。胃熱發斑。



大黃 酒浸 二兩

芒硝 一兩

甘草 炙六錢

連翹 一兩

黃芩 一兩

山梔 八錢

薄荷 七錢

為散。每服四五錢。加竹葉十五片。水煎溫日三夜。二服得

下熱退為度。世本無竹葉有薑一

硝黃得枳朴之重著。則下熱承之而順下。得芩梔翹薄之

輕揚。則上熱抑之而下清。此承氣涼膈之所攸分也。用甘

草者。即調胃承氣之義也。局方專主溫熱時行。故用竹葉

若治感冒之證。從世本用葱白薑棗可也。

清心散 治溫熱時行壯熱神昏不語便溺閉滯。

涼膈散加黃連一兩為散。每服四五錢。加竹葉一把。白

蜜少許煎服。頭痛加川芎防風石膏。不應加麻黃。



轉舌丸 治類中風舌強不語神識不清。

涼膈散加石菖蒲遠志肉各一兩蜜丸硃砂為衣薄荷

湯化下。

潤燥湯 治痘疹過用丁桂熱藥咽痛煩躁秘結。

涼膈散去硝黃加當歸白芍生地荆芥鼠粘子。

通聖散 治西北卒中內外熱極。

涼膈散去竹葉加麻黃石膏滑石生白朮防風荆芥桔

梗川芎當歸芍藥生薑。

雙解散 治溫熱時行外內熱極。

通聖散倍滑石用生甘草。

備急丸 金匱 治心腹卒痛如錐刺宿食冷積脹滿。

巴豆去皮心膜 乾薑生二錢 大黃三錢



右三味爲末。煉白蜜丸。如小豆大。溫水送下。二三十丸。妊娠禁用。

按備急丸。治寒實結積之峻藥。凡傷寒熱傳胃府。舌胎黃黑刺裂。唇口赤燥者。誤用必死。以巴豆大熱傷陰故也。其白散白餅子消積神保酒癥等方皆然。不可不慎。其神保丸酒癥丸。見傷飲食門。榻氣丸下。茲不復見。

白散 玉函 治寒實結胸。

備急丸去乾薑大黃。用巴霜一錢。加桔梗蘆貝母各錢。爲散。白飲和服半錢。羸者減之。

雷氏千金丸 治胸脹冷積作痛。

備急丸加焰硝桂心。

白餅子 治小兒腹中癖積。飲乳卽噉而吐痰涎。



備急丸去乾薑大黃用巴豆二十粒取霜加滑石輕粉
半夏南星各一錢共杵為末糯米飲丸菘豆大捻作餅
子每服二三餅葱白湯下。

消積丸 治小兒食積發熱大便酸臭。

備急丸去乾薑大黃用巴豆二十粒取霜加丁香九粒
縮砂仁十二粒共杵為末以爛烏梅肉二枚糊丸黍米
大每服三五丸溫水下。

伊尹三黃湯

倉公各火齊湯
金匱名湯心湯

治三焦實熱煩躁便秘。

黃連 酒煮

黃芩 酒炒

大黃 酒浸
等分

麻沸湯二升漬之須臾絞去滓分溫再服麻沸湯者白水
空煎鼎沸如麻也古方惟降火藥用之。

三黃丸 治諸實熱不解。



三黃湯爲末。煉白蜜丸。梧子大。每服五十丸。空心麻沸湯下。

金花湯 治熱毒內蘊。

三黃湯去大黃。加黃蘗。三味等分煎服。更加梔子。各梔

子金花湯。

三補丸 治陰火亢極不解。

金花湯爲末。蜜丸服。

黃連解毒湯 治熱邪內外俱盛。

三黃湯去大黃。加黃蘗。山梔等分煎服。

金花丸 治積熱不解。

黃連解毒湯爲末。蜜丸服之。

大金花丸 治中滿熱極。淋秘瀉血。



三黃丸加黃藥等分。滴水為丸。小豆大。新汲水下。三十

丸。

按金花湯止苓連藥三味作丸則名三補金花丸。較湯多

山施作湯名為解毒。更加大黃則名大金丸。湯丸雖異。

功用不殊。但取急攻則用湯。緩祛則用丸。微有區別耳。

大黃黃連瀉心湯。玉函即黃連瀉心湯。治熱邪內陷。脇下痞滿。

三黃湯去黃苓。麻沸湯漬絞服。

附子瀉心湯。主函。治寒熱不和。脇下痞結。

三黃湯另煎熟附子汁攪勻服之。

三黃梔子豉湯。治熱病時疫。頭痛壯熱。

三黃湯合梔子豉湯。千金去黃藥。苓加黃藥。

當歸六黃湯。治營血虛熱盜汗。



三黃湯去大黃。加黃礬黃耆生地黃熟地黃當歸。山汪

黃礬加
霜黃

清心丸 治心熱神昏驚悸不寧。

三黃湯去大黃。用黃連三錢。黃芩二錢。加西牛黃半錢。

鬱金錢半。豬心血為丸。黍米大。硃砂為衣。燈心湯下。三

歲兒三十九。

既濟解毒湯 治上熱下寒大便秘。

三黃湯加甘草桔梗柴胡升麻連翹當歸。

入中黃丸 治溫疫諸熱毒。

三黃湯本方用大黃三兩。芩連各一兩。加入中黃蒼朮

桔梗滑石各二兩。人參一兩。防風香附一兩五錢。神麴

糊丸。清熱解毒湯送下。二三錢。清熱解毒湯方
見白虎湯下



此方專以伊尹三黃大解淫熱疫癘之邪其奧妙全在人
中黃一味以汚穢之味同氣相求直清中上汚穢熱毒合
滑石益元之製則兼清滲道用蒼朮香附者宜其六氣之
鬱也用桔梗者清其膈上之氣也用防風者開其肌腠之
熱也十味祛邪散毒藥不得入參鼓舞其勢無以逞迅掃
之力也用神麴爲丸者取其留中而易化也更需清熱解
毒下之卽人參白虎合升麻葛根湯去粳米加羌活芩連
生地總解內外之熱畧取生薑之辛以行諸藥之性散諸
經之毒耳

三黃石膏湯 治熱病時行內外大熱

三黃湯去六黃加黃蘗山梔石膏麻黃香豉生薑葱白
用清漿水煎服半日許不得汗再服便秘去麻黃香豉

加大黃芒硝。節庵槌法加芽茶一撮。

按此即解毒湯。兼通聖散。梔子豉湯之製。而加麻黃石膏。葱薑。以撤外內熱毒也。如脈數實便秘。上氣喘急。舌卷囊縮。則去麻豉而易硝黃。又全用伊尹三黃矣。

普濟消毒飲 治大頭捻頸瘟等證。

三黃湯去大黃。加柴胡黑參連翹鼠粘升麻白芷甘草。桔梗馬勃殭蠶板藍根。半用水煎。半用蜜丸。禽化氣虛脈弱。加入參五七分。大便秘加酒大黃錢許微下之。

本方去升麻黑參鼠粘殭蠶板藍馬勃。加荆芥防風羌活。枳殼川芎射干。名芩連消毒湯。

當歸龍薈丸 治肝經積熱。時發驚悸搖擻。神志不寧。頭目

昏眩咽膈不利。腸胃燥結。躁擾狂越等證。



三黃湯加當歸龍膽蘆薈梔子青黛木香麝香蜜丸淡薑湯送二三十九丸。

神芎丸 治水腫外內俱實者。

三黃湯本方用大黃黃芩各二兩黃連半兩加滑石牽

牛頭末各四兩川芎薄荷各半兩滴水爲丸每服五七

丸至十五丸臨卧溫水服溼熱腰脇腫滿加甘遂一兩

遍身走注疼痛加白芥子一兩久毒熱腫腹痛加芒硝

一兩關節不利加羌活一兩腸胃結滯加郁李仁一兩

腰腿沉重加商陸一兩。本方去黃連川芎薄荷各導

水丸。

戴人取伊尹三黃丸變爲神芎丸每令病人至夜先服百

餘粒繼以瀉川散投之五更當下種種病出投下少許再



以和膈藥服之。以利爲度。有五日一下者。三日一下者。病輕者一二服止。重者五六度方愈。是擒縱緩舒之妙。臨病製宜。非可言論。自非老年諳練。有大負者。焉敢效諸行事耶。詳方後云。每服五七丸。至十五丸。乃峻藥緩攻之成法。此言每令病人先服百餘丸。急乘元氣未漓。爲之迅掃。各有至理。不可以此礙彼也。

滄川散 治水腫脹急。大便不通。大實大滿證。

三黃丸去芩連。用大黃一兩。加牽牛頭末。郁李仁各一兩。芒硝甘遂各半兩。木香三錢。爲散。每服二錢。入生薑自然汁。和如稀糊服。

按此乃下水積之峻藥。火熱怫鬱。水液不能宣通。停滯而生溼熱。在陽不去。則化氣而爲脹。在陰不去。則化積而成

形。世俗不省內經。留者攻之。但執補燥之劑。佛鬱轉加而病愈甚也。戴人曰。養生與攻病。本自不同。今人以補藥治病。宜乎不効也。

十棗湯

玉函

治懸飲內痛。脇下有水氣。脈弦數。

芫花熬

甘遂

大戟

泡去骨等分

右三味搗篩。以水一升五合。先煮大棗肥者十枚。擘取八

合去滓。內藥末。強人服一錢七。羸人服半錢七。平旦溫服。

若下少。病不除者。明日更服。加半錢七。得快下利後。糜粥

自養。補天石加生薑汁傷寒五法加肉桂

神祐丸 治陽水腫脹大小便秘。

十棗湯本方各一兩加大黃二兩。黑牽牛頭末四兩。輕

粉一錢。煮紅棗肉為丸。初服五七丸。日三服。漸加快利。



爲度。

按此方守真本仲景十棗湯加牽牛大黃輕粉三味較十棗倍峻然作丸緩進則威而不猛其法最良其於神祐丸中加青皮陳皮木香檳榔各半兩名舟車神祐已屬蛇足更於舟車丸中加入乳香沒藥名除溼丹風斯愈下殊不足法。

控涎丹治脇下痰積作痛。

十棗湯去芫花大棗加白芥子等分爲末。麴糊丸服十五丸至二十九丸。驚痰加硃砂全蠍。酒痰加雄黃全蠍。驚氣成塊者加穿山甲鼈甲延胡索蓬朮。臂痛加桂枝薑黃。痰嗽加風化硝。寒痰加丁香肉桂胡椒。甘遂直達涎結之處。大戟能攻胸脇之涎。白芥子能破支

結之飲。此攻痰涎之峻劑也。凡形盛色蒼。氣壯脈實。人有上證。但服此藥數服。其病如失。後以六君子調補。若氣虛。皎白。大便不實。小便清利者。誤服。不旋踵而告變矣。

五苓散

玉函

治傷寒表裏未解。渴而小便不利。

白朮 生

茯苓

猪苓

各二錢

澤瀉 三錢

桂 一錢

右五味為散。白飲和服。方寸匕。日三服。或生科煎服。溫覆

取微似汗。

按五苓散本治太陽經邪犯本。渴而小便不利。飲水即吐

之水逆。故用二苓澤朮利水生津。又需桂以蒸動其津。則

渴者自不渴矣。後人不達此義。每用五苓。治陰虛泉竭之

證。重涸其水。發熱發渴。勢必轉加。豈方之咎歟。况有去桂



而用四苓者。曷知此方。全賴桂之辛溫。則木不至壅滿。用方者常須識此。無愧聖賢一脈。

豬苓湯 玉函

治渴欲飲水。小便不利。及少陰病下利。欬而

嘔渴。心煩不得眠。

五苓散去木桂。加滑石阿膠等分。水煎去滓溫服。日三

按此太陽少陰藥也。五苓散用木以導水滋乾。即兼桂之

辛溫以蒸動其津氣。此用滑石之清熱利水。即兼阿膠之

甘潤以保護其血液。汗乃血之液。故汗出多而渴者禁用。

豬苓散

金匱

治嘔吐思水

五苓散去澤瀉桂為散。飲服方寸匕。日三服。

澤瀉湯

金匱

治支飲眩冒

五苓散去豬苓茯苓桂。

此方新編西醫醫藥學



茯苓澤瀉湯 金匱

治胃反吐而渴欲飲水。

五苓散去豬苓加甘草生薑。家秘加蘆根

茯苓戎鹽湯 金匱

治胞中精枯血滯小便不利。

五苓散去豬苓澤瀉桂加戎鹽。即青鹽

桂苓丸 治腎氣上逆水泛為痰逆衝膈上及胃暑煩渴飲

水過多腹脹小便不利。

五苓散去豬苓澤瀉白朮用桂一兩茯苓二兩蜜丸沸

湯下二錢日三服。桂苓飲

桂苓甘露飲 治溫熱病小便不通煩渴引飲。

五苓散加真寒水石石膏滑石。

四苓散 治小便赤澹脹痛及溫熱時行煩渴。

五苓散去桂。



茵陳五苓散 金匱

治黃瘴小便不利。

五苓散加茵陳蒿。

春澤湯 治氣虛傷溼小便不利。

五苓散加人參。

葶藶木香散 治陽水腹脹大小便秘。

五苓散加葶藶木香木通滑石甘草。

益元散

一名天水散 一名六一散

治暑月小便不利。

滑石 水飛 六兩

甘草 炙 六錢 生 四錢

為散。清水調服。二三錢。發散溫病熱病。加葱白五七莖。香

豉四合。水煎溫服。老人虛人及病後傷津小便不利。禁用。

此方加葱豉煎服。則兼散表邪。加吳茱萸則治白痢。加紅

麴則治血痢。加炮薑則兼消飲食。加神砂則兼退心火。加



青黛則散肝火。加薄荷則清肺熱。加石膏則除胃熱。其入通聖雙解毒等方。隨證配合未遑枚舉。

辰砂六一散 治暑月驚悸多汗。小便瀝痛。

益元散 一料。加辰砂一錢。飛。

蒲灰散 金匱 治皮水小便不利而渴。

益元散 去甘草用滑石三分。加蒲灰七分。為散飲服方寸七。日三服。

滑石白魚散 金匱 治消渴小便不利。小腹痛有瘀血。

益元散 去甘草。加亂髮燒白魚炙等分為散。飲服方寸七日三服。

白虎湯 玉函 治熱病壯熱煩渴。及中暍煩熱而渴。

石膏 入錢生用碎

知母 三錢

甘草 一錢炙



粳米 半合

水煎溫分三服。一日盡飲之。

人參白虎湯 玉函即白虎
加人參湯

治熱病舌乾。大渴發熱背寒。

白虎湯加人參

桂枝白虎湯 治溫病感冒客邪而渴。及溫瘧先熱後寒。

白虎湯加桂枝

蒼朮白虎湯 治溼溫身熱足冷。

白虎湯加蒼朮

竹葉石膏湯 玉函 治大病後煩熱作渴。

白虎湯去知母。加竹葉人參半夏麥門冬。

既濟湯 治上熱下寒。

竹葉石膏湯加熟附子三五分。



白虎湯去粳米。加入參羌活升麻葛根白芍黃芩黃連。

白虎湯去粳米。加入參羌活升麻葛根白芍黃芩黃連。

生地黄生薑。

治風溫無大熱而渴。

白虎湯去知母粳米。加入參栝蘘根葛根防風。

按此湯治風溫無大熱而渴。夫既無大熱則不當渴矣。既

湯。裁去知母粳米。加栝蘘根以清熱解渴。葛根以布胃行

津。防風以開表散邪。人參甘草佐石膏栝蘘以化熱性。雖

甘溫。當無助長伏邪之虞。

大青湯 治斑子熱毒

白虎湯去粳米。加大青黑參木通生地黄荆芥竹葉。

白虎湯去粳米。加大青黑參木通生地黄荆芥竹葉。



玉露散 治小兒傷熱吐瀉色黃

白虎湯去知母粳米加寒水石如無真者滑石代之為散每服半

錢七至一錢七沸湯調日三服

薛立齋云若飲食如常作瀉飲冷宜用此藥若食少體倦

喜飲熱湯此脾氣虛陷宜六君子湯加升柴此方切禁

蘭香飲子 治消中能食而瘦大渴便秘

白虎湯去粳米加入參生甘草蘭香俗名香草防風升麻桔

梗連翹半夏白豆蔻

按消中為脾胃積熱故東垣本人參白虎而立蘭香飲子

內經所謂治之以蘭除陳氣也但方中防風半夏豆蔻升

麻未免過於辛燥曷不去此加入麥冬五味以滋化源佐

白虎以化胃熱蘭香以除陳氣與歸脾湯中用木香之意



不殊。或於竹葉石膏湯中。加知母蘭香尤妥。

生津甘露飲。治上焦熱渴。

蘭香飲子。去防風半夏。加當歸麥冬山梔黃連黃蘗。

香水香。

駐車丸

千金

治陰虛下痢發熱。膿血稠粘。及休息痢。

阿膠 三兩

黃連

炒黑

當歸 各兩

乾薑

炮

右四味。搗篩。醋煮阿膠為丸。梧子大。每服四五十丸。晝夜

三服米飲下。

三車運精氣神。分治三焦。以調適陰陽。此因陽熱過。陰

精受傷。故用黃連。以駐鹿車之驟。乾薑以策牛車之疲。阿

膠以輓羊車之陷。當歸以和精氣神之散亂也。



阿膠丸 治冷熱不調。傷犯三陰。腹痛下膿血。中膿血上

駐車丸 本方膠連各二兩。歸薑各一兩。加木香黃芩赤

石脂醋煨水飛龍骨醋煨木飛各一兩。厚朴薑製半兩。米飲九梧子

大。每服三十丸。晝二夜一服。米飲下。

歸連丸 治陰虛下痢五色。及孕婦噤口赤痢。

駐車丸 去乾薑。本方用阿膠二兩。歸連各一兩。加黃芩

黃檗炒各半兩。蘄艾兩半。右除膠艾為細末。以醋二升

煮艾至一升。去滓入膠烱化為丸。紫豆大。每服六七

丸。晝夜三服。米飲下。

阿膠梅連丸 治陰虛下痢五色。至夜發熱。

駐車丸 本方用膠連各三兩。當歸一兩五錢。炮薑一兩

加黃檗炒赤芍藥赤茯苓烏梅肉炒各一兩五錢。醋煮



阿膠爲丸。梧子大。每服三五十九。晝夜三服。米飲下。

黃連湯 千金 治赤白痢。

駐車丸。本方用阿膠三錢。黃連當歸各錢半。炮薑一錢。加黃檗炮甘草炙各一錢。酸石榴皮錢半。右除阿膠。水煎去滓。內膠烱化。溫分三服。

佐金丸 治肝經鬱熱。吐酸綠青黃水。

川黃連 六兩 吳茱萸 揀去閉口者取淨 一兩 同黃連煮乾

爲細末。米飲糊丸。梧子大。每服四五十九。空心白朮陳皮湯。或加味逍遙散。作湯送下。

抑青丸 治肝火脇下急痛。

佐金丸。二味等分。製法如前。製過揀去。吳茱萸取黃連焙燥。一味爲末。滴水爲丸。每服四五十九。空心沸湯臨。



卧陳酒送下。

酒煮黃連丸 治心火亢盛。外內俱熱。及伏暑發熱嘔吐。

佐金丸去吳茱萸用黃連一味。酒煮焙燥為末。滴水為

丸。每服四五十九。空心沸湯下。

香連丸 局方 治下痢赤白相兼。白多於赤者。^上

佐金丸如前製過去。吳茱萸加木香一兩。醋糊丸。每服

五十丸。米湯砂仁湯任下。

戊己丸 局方 治溼熱泄痢腹痛不止。

佐金丸加白芍六兩。神麴糊丸。空心米湯砂仁湯蘄艾

湯任下。

大補丸 治陰火亢極。足脛疼熱。不能久立。及婦人火鬱發

熱。



厚黃藥

鹽酒拌陳米飯上蒸每蒸必拌炒黑亮如漆為度

煉白蜜丸。梧子大每服二錢。空心醇酒下。如服之不應。每

飭加厚肉桂一兩。

潛行散 治溼熱足膝腫痛。

大補丸

用薑汁拌炒數次

為末。每服錢半。空心醇酒下。

大補陰丸

治陰虛火旺。煩熱易饑。足膝疼熱。

大補丸四兩。加知母四兩。熟地黃龜版各六兩。豬脊髓

和蜜丸。梧子大。空心薑鹽湯下五十九丸。

滋腎丸

治陰虛大渴。小便瀦痛。熱起足心。

大補丸十分。加知母七分。肉桂一分。滴水為丸。食前沸

湯下七八十九丸。

凡熱在足心。直衝股內而入腹者。謂之陰火。起於湧泉之



下。雖熱而不發渴。為熱在膀胱。此方主之。

虎潛丸 治下體痿弱。

大補丸三兩加龜版熟地各三兩。知母牛膝各二兩白

芍藥瑣陽虎脛骨當歸身各一兩五錢。炮薑半兩。醇酒

為丸。侵晨淡鹽湯下三錢。痿而厥冷加熟附子半枚。

虎體陰性。剛而好動。故欲其潛。使補陰藥咸隨其性。潛伏
不動。得以振剛勁之力。則下體受蔭矣。其膝脛乃筋骨結
聚。功力最優。若用掌骨。各隨患之前後左右取用。不必拘
於左前為善也。

加味虎潛丸 治痿濡而厥。

虎潛丸去知母。加人參黃耆山藥枸杞各二兩。五味子

一兩。

二妙散 治身半已下。溼熱疼重而腫。

大補丸

改用薑汁製數次淨

加茅山蒼朮

去皮切麻油拌炒淨等分爲散

薑汁調每日空心溫酒送下二錢

本方加肉桂名三妙散

金液丹

局方

治陰極發躁厥冷脈伏爪甲唇青水腫脈伏

小便不通陰結畏寒大便秘

明淨硫黃五兩研細水飛入煬盛罐內水調赤石脂末

封口鹽泥通身固濟候乾三足釘釘於地將罐放釘上

漫火燒養七晝夜再加頂火用炭十觔爲度候冷取出

研細每末一兩用蒸餅一兩打糊爲丸梧子大每服二

三十九溫白湯送下陰極冷甚者服百丸

靈砂丹局方

治上盛下虛痰涎壅盛最能鎮墜虛火升降



陰陽和五臟助真元

水銀

四兩

硫黃

一兩

右二味。新銚內炒成砂子。入水火鼎煨煉為末。糯米糊丸。如麻子大。每服三九。空心棗湯米湯并花水人參湯任下。量病輕重。可增至五七丸。忌豬羊血菜豆粉冷滑之物。又法。入場盛礮內。赤石脂封口。鹽泥固濟。三足釘釘打火。蓋內置水。勿令乾。候三炷香足為度。

二氣丹 治伏暑傷冷。二氣交錯。中脘痞結。或瀉或吐。

硝石

硫黃

等分

右為細末。銀石器內炒黃色。再研細。糯米糊丸。梧子大。每服五七丸。新汲井花水下。不應更服。

玉真丸 治腎厥頭痛。四肢逆冷。



硝石

硫黃

一味同製如二氣丹

石膏生

半夏

湯泡七次等分

爲末。薑汁和神麴丸。食後薑湯下。二三十九。虛寒甚者加。鍾乳粉。

半硫丸

局方

治高年冷秘虛秘。及痰癖冷氣。

硫黃

醋煨柳木槌碎研

半夏

湯泡曬乾爲末

右二味等分用生薑自然汁調蒸餅糊。杵數百下。丸如梧子大。每服十五丸。至二十九。空心無灰酒。或生薑湯任下。婦人醋湯下。

養正丹

局方

治上盛下虛。氣不升降。元陽虧損。氣短身羸。

及中風痰盛。涎潮不省人事。傷寒陰盛自汗脣青。婦人血海久冷。



水銀

黑錫

與水銀結成砂子

硫黃 研

硃砂

水飛各一兩淨

用鐵銚鎔化黑錫。入水銀。將柳木槌攪。次下硃砂。攪令不

見星子。下少時。方入硫黃末。急攪成汁。和勻。如有焰以醋

灑之。候冷取出。研細。煮糯米糊丸。菉豆大。每服十五丸。至

三十丸。鹽湯或棗湯。人參湯任下。或丸如芡實。囫圇服。下

丸。得睡勿驚覺。

來復丹 局方

治上盛下虛。裏寒外熱。及伏暑泄瀉如水。

硝石

硫黃

同硝石為末。銀石器內漫火炒。柳木槌攪之。不可猛火以傷藥。

太陰元精石

水飛。青皮去穢。

陳皮

去白各一兩

五靈脂

酒飛去砂。右澄定晒乾。二兩。

為末。古法以醋和丸。米飲下。因醋易霉壞。今改用米飲糊



丸。如梧子大。每服三十九。空心醋湯下。

黑錫丹 局方

治真元虧憊。陽氣不固。陰氣逆衝。三焦不和。

冷氣刺痛。腰背沉重。男子精冷滑泄。婦人白帶清冷。及陰證。陰毒。四肢厥冷。不省人事。急吞百丸。即便回陽。大能升降陰陽。墜痰定喘。

沉香

附子 炮

葫蘆巴 酒浸炒

陽起石 煨飛

補骨脂

船上茴香

肉豆蔻 煨

金鈴子 酒蒸去皮核

木香 各一兩

肉桂 半兩

黑錫 銻去查

硫黃 各二兩

右用黑錫入鐵銚內。鎔化。入硫黃如常法製結成砂子。地上出火毒。研令極細。餘藥並細末和勻。自朝至暮。研至黑先色為度。酒麴糊丸。如梧子大。陰乾藏鈴罐內。每服四五



十九。空心鹽湯或棗湯薑湯任下。婦人艾湯下。急證可投

百丸。

三和丹。治一切陰寒。諸藥不効者。

養正丹十九。來復丹二十九。黑錫丹三十丸。鹽湯棗湯

薑湯人參湯任下。

附張介賓八畧總論

補畧

一補方之制。補其虛也。凡氣虛者宜補其上。人參黃耆之屬是也。精虛者宜補其下。熟地枸杞之屬是也。陽虛者宜補而兼煖。桂附乾薑之屬是也。陰虛者宜補而兼清。門冬芍地之屬是也。此固陰陽之治辨也。其有氣因精而虛者。自當補精以化氣。精因氣而虛者。自當補氣以生精。又有陽失陰而離



者不補陰。何以收散亡之氣。水失火而敗者。不補火。何以蘇垂絕之陰。此又陰陽相濟之妙用也。故善補陽者。必於陰中求陽。則陽得陰助而生化無窮。善補陰者。必於陽中求陰。則陰得陽升而泉源不竭。余故曰。以精氣分陰陽。則陰陽不可離。以寒熱分陰陽。則陰陽不可混。此又陰陽邪正之離合也。故凡陽虛多寒者。宜補以甘溫而清潤之品。非所宜。陰虛多熱者。宜補以甘涼而辛燥之類。不可用。知宜知避。則不惟用補而八方之制。皆可得而貫通矣。

和畧

一和方之制。和其不和者也。凡病兼虛者。補而和之。兼滯者。行而和之。兼寒者。溫而和之。兼熱者。涼而和之。和之爲義廣矣。亦猶土兼四氣。其於補瀉溫涼之用。無所不及。務在調平。

元氣不失中和之爲貴也。故凡陰虛於下。而精血虧損者。忌
利小便。如四苓通草湯之屬是也。陰虛於上。而肺熱乾欬者。
忌用辛燥。如半夏蒼朮細辛香附芎歸白朮之屬是也。陽虛
於上者。忌消耗。如陳皮砂仁木香檳榔之屬是也。陽虛於下
者。忌沉寒。如黃蘗知母梔子木通之屬是也。大便溏泄者。忌
滑利。如一冬牛膝菴蓉當歸柴胡童便之屬是也。表邪未解
者。忌收斂。如五味棗仁地榆文蛤之屬是也。氣滯者。忌閉塞。
如黃耆白朮山藥甘草之屬是也。經滯者。忌寒凝。如門冬生
地石斛芩連之屬是也。凡邪火在上者。不宜升。火得升而愈
熾矣。沉寒在下者。不宜降。陰被降而愈亡矣。諸動者。不宜再
動。如火動者。忌溫煖。血動者。忌辛香。汗動者。忌疎散。神動者。
忌耗傷。凡性味之不靜者。皆所當慎。其於剛暴更甚者。則又

在不言可知也。諸靜者不宜再靜。如沉微細弱者。脈之靜也。神昏氣怯者。陽之靜也。肌體清寒者。表之靜也。口腹畏寒者。裏之靜也。凡性味之陰柔者。皆所當慎。其於沉寒更甚者。又在不言可知也。夫陽主動。以動濟動。火上添油也。不焦爛乎。陰主靜。以靜益靜。雪上加霜也。不寂滅乎。凡前所論。論其畧耳。而書不盡言。言不盡意。能因類而廣之。則存乎其人矣。不知此義。又何和劑之足云。

攻畧

一攻方之制。攻其實也。凡攻氣者。攻其聚。聚可散也。攻血者。攻其瘀。瘀可通也。攻積者。攻其堅。在藏者可破。可培。在經者可鍼。可灸也。攻痰者。攻其急。壯實者。暫宜解標。多虛者。只宜求本也。但諸病之實。有微甚。用攻之法。分重輕。大實者。攻之。

未及。可以再加。微實者攻之太過。每因致害。凡病在陽者不可攻陰。在胸者不可攻臧。若此者。邪必乘虛內陷。所謂引賊入寇也。病在陰者勿攻其陽。病在裏者勿攻其表。若此者。病必因誤而甚。所謂自撤藩蔽也。大都治宜用攻。必其邪之甚者也。其若實邪果甚。自與攻藥相宜。不必雜之補劑。蓋實不嫌攻。若但畧加甘滯。使相牽制。虛不嫌補。若但畧加消耗。偏覺相妨。所以寒實者最不喜清。熱實者最不喜煖。然實而誤補。不過增病。病增者可解。虛而誤攻。必先脫元。元脫者無治矣。是皆攻法之要也。其或虛中有實。實中有虛。此又當酌其權宜。不在急宜攻。急宜補者之例。雖然。凡用攻之法。所以除兇。剪暴也。亦猶亂世之兵。必不可無。然惟必不得已。乃可用之。若或有疑。慎勿輕試。蓋攻雖去邪。過則傷氣。受益者四。受

損者六。故攻之一法。先哲最爲詳審。正恐其成之難。敗之易耳。倘任意不思。此其人可知矣。

散暑 蓋麻黃爲太陽之本藥。至必不可移易哉。一節石頑潤色。

一散方之制。散表證也。觀仲景太陽證用麻黃湯。陽明證用葛根湯。少陽證用小柴胡湯。此散表之準繩也。後世宗之。而復不能用之。在不得其意耳。蓋麻黃爲太陽之本藥。陽明經證亦多用之。觀陽明經證治例。其義可見。按麻黃苦溫。專泄肺氣。仲景借以開發太陽經邪。爲解表之重劑。若非冬月正傷寒。原無藉此。卽陽明之葛根湯。未嘗不用麻黃。未嘗不走太陽也。豈謂某經某藥。必不可移易哉。但用散之法。當知性力緩急。及氣味溫寒之辨。用得其中。其宜。諸經無不應也。如麻黃桂枝。峻散者也。防風。荆芥。紫蘇。平散者也。細辛。白芷。生薑。溫



散者也。升麻、川芎能舉陷，上行而散者也。第邪淺者忌峻利之屬，氣弱者忌雄悍之屬，熱多者忌溫散之屬，寒多者忌清涼之屬。凡渴而煩燥者喜乾葛，而嘔惡忌之；寒熱往來者宜柴胡，而泄瀉者忌之；寒邪在上者宜升麻、川芎，而內熱火升者忌之。此性用之宜忌，所當辨也。至於相配之法，則尤當知要。凡以平兼清，自宜涼散，以平兼煖，亦可溫經，宜太溫者以熱濟熱，宜太涼者以寒濟寒，此其運用之權，則毫釐進退，自有伸縮之妙。又何必膠柱刻舟，以限無窮之病變哉！此無他，在不知仲景之意耳。

寒畧

一寒方之制，爲清火也。爲除熱也。夫火有陰陽，熱分上下。據古方書，咸謂黃連清心，黃芩清肺，石斛芍藥清脾，龍膽清肝。



黃栢清腎。今之用者。多守此法。亦是膠柱法也。大凡寒涼之物。皆能瀉火。豈有涼此而不涼彼者。但當分其輕清重濁。性力微甚。用得_中其宜。則善矣。夫輕清者宜以清_上。如黃芩石斛。連翹天花粉之屬也。重濁者宜於清_下。如梔子黃檗龍膽滑石之屬也。性力之厚者。能清大熱。如石膏黃連蘆薈苦參山豆根之屬也。性力之緩者。能清微熱。如地骨皮玄參貝母石斛童便之屬也。以攻而用者。去實鬱之熱。如大黃芒硝之屬也。以利而用者。去癰閉之熱。如水通茵陳豬苓澤瀉之屬也。以補而用者。去陰虛枯燥之熱。如生地二冬芍藥梨漿細甘草之屬也。方書之分經用藥者。意正在此。但不能明言其意耳。然火之甚者在_上。亦宜重濁。火之微者在_下。亦可輕清。夫宜涼之熱。皆實熱也。實熱在_下。自宜清利。實熱在_上。不可升

提。蓋火本屬陽。宜從陰治。從陰治者宜降。升則反從其陽矣。經曰高者抑之。義可知也。外如東垣有升陽散火之法。此以表邪生熱者設。不得與伏火內炎者並論。表邪生熱當作鬱熱外發為

熱畧

一熱方之制。為除寒也。夫寒之為病。有寒邪犯於肌表者。有

生冷傷於脾胃者。有陰寒中於藏府者。此皆外來之寒。去所

從來。則其治也。是皆人所易知者。至於本來之寒。生於無形

無響之間。初無所感。莫測其因。人之病此者最多。知此者最

少。果何謂哉。觀丹溪曰。氣有餘。便是火。余續之曰。氣不足。便

是寒。夫今人之氣有餘者。能十中之幾。其有或因稟受。或因

喪敗。以致陽氣不足者。多見寒從中生。而陽衰之病。無所不

致。第其由來者漸。形見者微。當其未覺也。孰為之意。及其既



甚也。始知難治。矧庸醫多有不識。每以假熱爲真火。因復斃於無形無響者。又不知其幾許也。故惟高明見道之士。常以陽衰根本爲憂。此熱方之不可不豫也。凡用熱之法。如乾薑能溫中。亦能散表。嘔惡無汗者宜之。肉桂能行血。善達四肢。血滯多痛者宜之。吳茱萸善煖下焦。腹痛泄瀉者極妙。肉豆蔻可溫脾胃。殮泄滑利者最奇。胡椒溫胃和中。其類近於華撥。丁香止嘔行氣。其煖過於豆仁。補骨脂性降而善閉。故能納氣定喘。止帶濁泄瀉。製附子性行如酒。故無處不到。能救急回陽。至若半夏南星細辛烏藥良薑香附木香茴香仙茅巴戟之屬。皆性溫之當辨者。然用熱之法。尚有其要。以散兼溫者。散寒邪也。以行兼溫者。行寒滯也。以補兼溫者。補虛寒也。第多汗者忌薑。薑能散也。失血者忌桂。桂動血也。氣短氣

怯者忌骨脂。骨脂降氣也。大凡氣香者皆不利於氣虛證。味辛者多不利於見血證。是用熱之槩也。至於附子之辨。凡余之用者。必待勢不可為不得已。然後用之。不知回陽之功。當於陽氣將去之際。便當漸用以望挽回。若用於既去之後。死灰不可復燃。尚何益於事哉。但附子性悍。獨任為難。必得大甘之品。如人參、熟地、炙甘草之類。皆足以制其剛而濟其勇。以補培之。無往不利矣。此壺天中大將軍也。可置之無用之地乎。但知之真而用之善。斯足稱將將之手矣。

固畧

一固方之制。固其泄也。如久嗽為喘。而氣泄於上者。宜固其肺。久遺成淋。而精脫於下者。宜固其腎。小水不禁者。宜固其膀胱。大便不禁者。宜固其腸藏。汗泄不止者。宜固其皮毛。血

洩不止者宜固其營衛。凡因寒而泄者當固之以熱。因熱而泄者當固之以寒。總之在上者在表者皆宜固氣。氣主在肺也。在下者在裏者皆宜固精。精主在腎也。然虛者可固實者不可固。久者可固暴者不可固。當固不固則滄海亦將竭。不當固而固則閉門延寇也。二者俱當詳酌之。

因畧

一因方之制。因其可因者也。凡病有相同者皆可按證而用之。是謂因方。如癰毒之起腫可敷也。蛇蟲之患毒可解也。湯火傷其肌膚熱可散也。跌蹶傷其筋骨斷可續也。凡此之類皆因證而可藥者也。然因中有不可因者。又在乎證同而因不同耳。蓋人之虛實寒熱各有不齊。表裏陰陽治當分類。故有宜乎此而不宜乎彼者。有同於表而不同於裏者。所以病

雖相類而但涉內傷者。便當於血氣中酌其可否之因。不可謂因方之類。盡可因之而用也。因之為用。有因標者。有因本者。勿因此因字。而誤認因方之義。

兼畧 石頑參補

一兼方之制。用間法也。與師旅之間諜無異。舉世但知以寒治熱。以熱治寒。曷知病勢之危殆。錯雜難分。况多假脈假證。非洞達玉函金匱之奧。難以語此。如表證用麻黃。此正治也。越脾大青龍。則兼石膏以化熱。麻附細辛湯。麻附甘草湯。則兼附子以救寒。此變法也。陰寒用附子。此正治也。真武湯。則兼生薑以散水氣。白通通脈。則兼葱白以通陽。豬膽汁以收陰。此變法也。府實用大黃。此正治也。大黃附子湯。附子瀉心湯。則兼附子以破結。黃龍湯。則兼人參以助力。足補南陽之



未逮此變法也。陽邪陷陰，欲轉陽分，用芍藥、甘草護持營氣。此正治也。四逆散則兼柴胡以通中道，當歸四逆則兼桂枝以通接壤，使陰從陽化。此變法中之定法也。妊娠胎息不安，用茯苓芍藥護持陰血，此正治也。附子湯則兼附子以治子藏開，少腹如扇，桂心茯苓丸則兼桂心以治宿有癥病，胎動下血。始知桂附反有固胎之用。是皆病證之變端，不能守尋常繩墨也。然必察其生氣未艾，方可特出奇兵以擊之。若脈證俱殆，慎勿貪功以招燦金之謗也。

讀景岳先生八畧，至末條因畧畧無深意，而獨不及兼制之法。余不自揣，贅入此例，以續貂之不足。其因畧原文，不敢擅裁，仍兩存之。石頑老人漫述。